

遼史紀事本末

遼史紀事本末卷三十

馳封資政大夫特賞內閣中書前江西峽江訓導萍鄉李有榮

昭懷太子之誣

道宗清甯九年封皇長子濬爲梁王

攷異宏簡錄作是年五月丙午

紀未載月日

小字伊囉幹

原作耶魯幹

宣懿皇后蕭氏生幼卽

好學能文道宗嘗曰此子聰慧殆天授歟至是六歲封梁王明年從道宗獵矢連發三中道宗顧左右曰朕祖宗以來騎射絕人威震天下是兒雖幼不墜其風後遇十鹿射獲其九道宗喜爲設宴

咸雍元年春正月辛酉朔百僚上尊號曰天祐皇帝

冊梁王為皇太子內外官賜級有差攷異是年八月客星犯天廟詔

諸路備盜賊嚴火禁見續通考

五年冬十二月甲子皇太子行再生禮減諸路徒以

下罪一等

太康元年春三月乙巳命皇太子寫佛書攷異日下舊聞考云

大覺寺即金章宗西山八院內之清水院也寺內龍

王堂遼碑一僧志延撰寺旁有僧性音塔附錄僧志

延暘臺山清水院創造藏經記云暘臺山者薊壤之

名峯清水院者幽都之勝槩山之名傳諸前古院之

興止於近代將構勝緣旋達信士今優婆塞南陽鄧

公從貴善根生得淨行日嚴威雍四年三月捨錢三

十萬葺諸僧舍又五十萬募同志印大藏經凡五百

七十九軼創內外藏而龕措之藏事既周求為之記

聊敘勝因俾信來裔咸雍四年歲次戊申三月癸酉

朔四日丙子記澤明河補續高僧傳云法均族里未

詳蘭茁幽潛珠英秘潤人莫之知唯京西紫金寺非  
辱律師異之收爲童子究律學謹持犯得性自然非  
矯揉也雖行在毗尼而志尚禪悅等師求指決者十  
餘年封被危坐切甚頭然似有發明者清甯中被徵  
較定諸家章鈔或有艷之謀爲代者師力求退與息  
負競時議多之道聲遐震授紫方袍師號久之歸隱  
馬鞍山遠近挹其清風咸雍間上以金臺僧務煩劇  
須才德並茂者錄其清風咸雍間上以金臺僧務煩  
退辭不得也當是時戒壇肇闢來集如雲師爲大和  
尙嚴臨萬眾雖遐荒絕域冒險輕生自萬里而來莫  
一節慈範一領音教如獲至寶而還似有神物告語  
而然者遼主渴想一見上待以師禮后妃以下皆展  
接足之敬特旨授榮祿大夫守司空并傳戒大師之  
號寵以詩章有行高峯頂松千尺戒淨天心月一輪  
之句其見重如此太康元年三月四日怡然別衆而  
逝世壽五十五僧臘三十九月四日怡然別衆而  
鄉楊溫嶠董後事茶毗收靈骨塔於方丈之右繼其  
道者曰裕窺守德嚴戒有師之風遼主嘉之仍襲傳  
戒大師賜崇祿大夫檢校太尉提點天慶寺并賜御  
製菩提心戒本命開戒壇說戒一如師在日年七十

通史紀事本末卷三十

二

而化按法均史作法鈞於咸雍六年十二月與圓釋  
並守司空係一人釋智朴盤山志云遼非覺大師塔  
太康三年癸亥七月十七日建其文曰師諱非覺俗  
姓劉氏析津良鄉人有大名聞車駕幸燕重師道德  
詔入內說法特賜紫衣並賜號儀範大師春秋七十  
二僧臘四十七示化大昊天寺歸葬甘泉普濟寺又  
嚴慧大師名等偉俗姓李氏析津龐村人太康元年  
剃落禮儀範大師爲師從師住慧濟寺受戒宣充三  
學殿主賜號嚴慧後示疾而終茶毗舌根不燼如青  
蓮色道宗紀太康十年正月復建南京奉福寺浮圖  
朱彝尊曰下舊聞載奉福寺佛頂尊勝陀羅尼幢記  
曰京師奉福寺懺悔主崇祿大夫檢校太尉純慧大  
師之息化也附靈塔之巽位樹佛頂尊勝陀羅尼幢  
廣丈有尺門弟子狀師實行以記爲請大師諱非濁  
字貞照俗姓張氏其先范陽人重熙初禮故守太師  
兼侍中同融國師爲師居無何嬰脚疾乃遜匿藍山  
張課於白遼蓋有宴坐誦持常有山神敬持等克痊  
八年冬有詔赴闕與宗皇帝賜以紫衣十八年敕授  
上京管内都僧錄秋滿授燕京管内左街僧錄屬鼎  
錫上仙驛徵赴闕今上以師受眷先朝乃恩加崇祿

大夫檢校太保次年加檢校太傅太尉師搜訪闕章  
聿修睿典撰往生集二十卷進呈上嘉贊久之親爲  
贊引奪命龜次入藏清甯六年春鑾輿幸燕回次花  
林師侍坐於殿面受燕京管內懺悔主菩薩戒師明  
年二月設壇於本寺懺受之徒不可勝紀九年四月  
示疾告終於竹林寺卽以其年五月移窆於昌平縣  
司空幽國公仰師高躅建立寺塔并營是幢庶陵室  
有遷而音塵不泯清甯九年五月講僧眞延撰并書  
按周質析津日記云廣恩寺遼之奉福寺也在白雲  
觀西南地名栗園遼史南京有栗園蕭韓家奴嘗典  
之疑卽此地也見厲鶚遼史拾遺括地志云固安之  
栗天下稱之爲御栗據此則栗園當在固安界日下  
舊唐書考云今白雲觀之西土人猶呼三教寺遺址已  
廢又云慈悲巷在黑窰廠巷西偏爲陶然亭菴北院  
內有遼壽昌五年慈智大德師佛頂尊勝大悲陀羅  
尼并記又庭前有金天會九年四月石幢四面皆  
鐫佛像其三隅刻咒文皆用西域梵書而標以漢字  
曰淨法界陀羅尼觀音菩薩甘露陀羅尼智矩如來  
心破地獄陀羅尼餘漫漬不可辨附錄遼慈智師記  
畧云師諱賤俗姓魏氏遼陰田陽人也卯歲禮懺忠

寺守淨上人落髮頌白蓮經遇恩得度後因遊方止  
於上都別創精藍掛錫而住大安九年會門人覺智  
大師詔赴闕庭因連黻聽乃特賜慈衣慈智之號壽  
昌四年三月九日因疾奄化於臨燕講院至五年四  
月十三日葬於京東先師塋側師以精進心脂不  
輪以勇健力撻無畏鼓儀範所惠用所誘貴高憎  
慢罔不欽服其威重如是心約禮身持律起居動  
皆有常節雖冱寒隆暑風雨黑夜禮佛頌經手不釋  
卷四十四餘年凡十二時未嘗闕一其精進如是即  
疾亟四大將壞無戀著念無厭離想門弟子饋藥數  
四師報之去身終壞烏用藥爲言說怡然就化其  
了悟如是臨終之日暴風急起晝如暗夜對面莫覩  
泊師遷逝倏然乃止門人仰師之德感師之恩瘞靈  
骨於樹密幢於其上欲存不朽以師之德感師之恩  
五年歲次己卯四月十三日巳時門人管內左街僧  
錄判官覺智大師賜紫沙門文傑門人參歸沙門文  
偉法師五智大圓同成圓翼門人參歸沙門文普  
會寺遼之駐蹕寺也在玉河鄉池水村殿後松一本  
極蒼古意遼時所植松下石幢一上鏤沙門奉航塔  
記文曰師諱奉航俗姓李氏涿州新城縣渠村人幼

入緇門訪道尋師就至燕京左街駐蹕寺禮祥玉上人爲親教焉清甯元年受具自後負笈遊方復歸本寺辦修殿宇大安五年涿州惠化寺請爲提點壽昌二年秋九月京兆華嚴寺請爲提點乾統八年遷化於駐蹕之本院門弟子善監葬之祖夏四月庚戌皇師塋側刻石爲宰堵坡述師實行焉

孫延禧生五月甲子賜妃之親及東宮僚屬爵有差

六月丙辰詔皇太子總領朝政仍戒諭之兼知北南

樞密院事

攻異畢沅續通鑑云時主爲太子選僚屬以客省使耶律寅吉秉直好義命爲輔導

伊遜謀搖太子惡寅吉出爲羣牧林牙又云伊遜請賜牧地寅吉諫而止爲伊遜忌除懷遠節度使貶漠北馬羣太保卒紀均未載按耶律音濟傳原作引吉字阿括丕勒部人疑卽寅吉也所載事亦同

冬

十二月辛酉宣懿蕭后被誣賜死殺伶官趙惟一高

長命並籍其家后爲欽哀皇后弟樞密使惠之女太



子母也姿容冠絕工詩

攻異王鼎焚椒錄云后字觀音努清甯元年無爲后出

閣升座扇開簾捲忽白練一段吹至前上有三十六

三字后問左右以可敦領三十一宮對始大喜畢沅

續通鑑云主嘗如秋山后從行至殺虎林命后賦詩

后應聲而成主大喜出示羣臣次日行獵殪一虎謂

左右曰力能伏虎不媿皇后詩矣詩曰威風萬里壓

南邦東去能翻鳴淦江靈怪大千俱破膽那教猛虎

不投降後作君臣同志華夷同風詩后亦屬和詩曰

虞廷開盛軌王會合奇琛到處承天意皆同捧日心

文章通鹿羣聲教薄雞林大寓看交善談論自制歌

泰應如無古今后本傳及紀俱未載善談論自制歌

詞尤善琵琶有專房寵

獵而主尤善騎射所乘馬號

飛電瞬息百里嘗馳入深林遼谷扈從求之不得后

素慕唐徐賢妃之爲人上疏力諫畧曰妾聞穆王遠

駕周德用衰太康佚豫夏社幾屋此遊佃之往戒帝

王之龜鑑也項見駕幸秋山不閑六御持以單騎從

禽深入不測此雖威神所屈萬靈自爲擁護儻有絕

羣之獸果如東方所言則溝中之豕必敗簡子之駕

矣安雖愚闇竊爲社稷愛之惟陛下遵老氏馳騁之  
戒用漢文吉行之旨不以其言爲牝雞之晨而納之  
主雖嘉納心頗厭遠自後稀得進見紀及后傳均未載  
好音樂伶官趙惟一得

侍左右至是宮婢單登教坊朱頂鶴誣后與惟一私

樞密使伊遜

原作乙辛

以聞詔與張孝傑劾狀附會成獄

攻異畢沅續通鑑云時北院樞密副使蕭惟信聞之

馳語伊遜孝傑曰皇后賢能端重誕育儲君不可以

叛家仇婢一語動搖之不聽族誅惟一賜后白盡歸

按單登重元妻婢也史未載族誅惟一賜后白盡歸

其屍於家

攻異王鼎焚椒錄云后嘗作回心院詞被

誣后與惟一通又爲單登手書十香詞及己所作懷

古詩以是被構賦絕命詞自縊懷古詩曰宮中只數

趙家妝敗雨殘雲誤漢王惟有知情一片月曾窺飛

燕入昭陽絕命詞曰嗟薄祐兮多幸羌作儼兮皇家

承昊穹兮下覆近日月兮分華託後鉤兮凝位忽前

星兮啟曜雖豐稟兮黃牀庶無罪兮宗廟欲貫魚兮

上進垂陽德兮天飛豈禍生兮無朕蒙穢惡兮宮闈  
將剖心兮自陳冀同照兮白日寔庶女兮多慙過飛  
霜兮下擊顧子女兮哀頓對左右兮摧傷共西曜兮  
將陞忽吾吾兮椒房呼天地兮慘悴恨今古兮安極  
知吾生兮必死又焉愛兮旦夕史均未載按焚椒錄  
鼎敘曰鼎於咸太之際方侍禁近會有懿德皇后之  
變一時南北兩宮悉以異說赴權互爲證足遂使懿  
德蒙被淫醜不可湔洗嗟嗟大墨蔽天白日不照其  
能戶說以相白乎鼎婦乳媪之女棠哥爲乙辛寵婢  
知其姦構最詳而蕭司徒復爲鼎道其始末更有加  
於姬者因相與執手嘆其冤誣至爲涕淫下也觀  
變以來忽復數載頃以待罪可敦城去鄉數千里視  
日如歲觸景興懷舊感來集乃直書其事用竣後之  
良史若夫以海翻波變爲陰陸則有司徒公之實錄  
在太安五年春三月前觀書殿學士臣王鼎謹述鼎  
擢清甯五年進士第道宗紀作八年後坐杖黥奪官  
流鎮州會赦不免因以詩貽使者有誰知天南露獨  
不到孤寒之句帝憐之召還復職是書疑僞託徐乾  
學嘗辨之見周春遼詩話高麗史云崔思諷爲西京  
副留守宣宗駕幸西京時遼使王鼎來思諷爲館伴

聞鼎每夜獨坐為文以計取其書奏之乃諫疏也其  
疏極言遼太平日久不修武備及大宋伐西夏事史  
未載續通考云乾統六年王鼎宰漆水縣時憇於庭  
有暴風舉卧榻空中鼎無懼色但覺枕榻俱高乃曰  
吾中朝正士邪無干正可徐置之  
須臾榻復故處風遂止見本傳  
后既死太子有憂

色伊遜不自安會護衛蕭和克原作忽古一作和爾郭字阿斯里斯舊作

阿斯鄰謀誅伊遜事覺下獄攷異蕭珠展傳字實倫孝穆姪官北府宰相封柳城

郡王為伊遜所忌誣其與蕭和克等謀詔獄無副點

狀出鎮順義軍卒追王晉宋梁三國紀未載

檢蕭錫沙原作十三一作實沙穆爾謂伊遜曰臣民

心屬太子公非閼閼一日若立吾輩措身何地乃與

同知樞密事蕭特爾特原作得裏特謀構陷焉

二年夏六月壬寅出北院樞密使伊遜為中京留守

攻異蕭巖壽傳  
中京作上京  
冬十月戊戌召伊遜還復為北院樞

密使十一月甲戌流林牙蕭巖壽於威  
原作鳥隗部伊實

部人性剛直尚氣為北面林牙密奏伊遜出之及復

召流巖壽威路復誣其與謀廢立殺之年四十九贈

平章事繪像宜福殿攷異蕭頁魯傳弟都勒幹給事

北院素與巖壽善伊遜誣以罪戊戌西北部坐太子事

減死錮終身事直始歸里卒贈彰義節度使孩里傳

字呼紐回體人官平章事會伊遜出守入賀及議復

召陳其不可弗聽出為廣利節度使太子被廢當連

坐詔勿問自言壽數卒官使相帝命書其言於牘後

皆驗畢沅續通鑑作諧里按太宗紀會同四年十二

月命轄哩勞軍原作諧里官按太宗紀會同四年十二

蕭惠傳太平時圖吉部節度均另一人耶律孟簡傳

字復易裕悅鳥哲後當伊遜出時與耶律庶箴表賀

後坐謫巡磁窩關流保州痛太子被害作放懷詩二

十首事直歸里歷昭德節度庶箴字辰富季父房後

庶成弟時官都林牙後伊遜起用庶箴私見而泣言

抗表非所願得免聞者鄙之子富魯皇族表未書庶

成字辰祿官樞密直學士善遼漢文字尤工詩有集  
行世與蕭罕嘉努耶律古雲等撰實錄及禮書偕樞  
副耶律德修定法令帝稱善曾譯方脉書古雲字糾  
堅六院部人工文章官南院大王有集曰谷欲集卷  
二十五道宗大安七年知  
伊實大王事谷欲另一人

三年夏五月乙亥伊遜奏右護衛太保

原作查刺攷異伊遜傳作

尤刺畢沅續通鑑

等告北院樞密副使蕭蘇色

原作速撒

攷異聖宗紀太平七年蕭速撒賀宋正旦等八人謀

立太子案治無狀出蘇色等三人補外餘杖徙邊

攷異

時告謀逆同受賞者尙有室韋察喇及蕭寶神努穆爾古並加左衛大將軍蕭特古斯加監門衛上將軍名未列姦黨至道宗紀清甯九年六月己卯伊遜令

副宮使寶神努以叛誅另一人

原作訛都幹一作額圖緝畢沅

牌印郎君蕭額圖

環原作通鑑作額都溫攷異陳浩遼

七

史攷證云卷一百十一有傳官始平節度卷六十七

外戚表卷二十四道宗紀大安二年德時統軍使托

雲孫說都誣首嘗預蘇色等謀籍其姓名以告即令

幹另一人伊遜與耶律仲禧蕭額里頁原作余里也耶律孝傑楊遵

易字益誠范陽人官北府宰相與雅克案雅克原作

卷一百十有傳官西京留守攷異卷燕哥綽奇蕭錫沙等

六十五公主表聖宗女同名燕哥鞫治杖皇太子囚之宮中太子謂雅克曰吾為儲副

復何所求公當為我辨之雅克易其言為欵伏攷異

續通鑑雅克作延格云蕭錫沙謂之曰如此奏則大

事去矣當易其辭為欵伏延格如其言奏之延格狡

倭而敏為伊遜耳目凡有帝怒廢為庶人太子將出

見聞必以告所奏較詳日我何罪至是錫沙叱登車遣衛士闔其扉徙上京

囚園堵中

攷異蕭罕嘉努傳當太子被誣時官西南

惟信傳伊遜語廢太子中外知其冤不敢言伊遜爭

遣蕭達囉克

原作達魯古攻異畢薩巴原作撒巴攷

撒把又作撒入汪輝祖遼史同名列云卷十九興宗

重熙十年東京留守卷八十七有傳官西北招討使

武甯郡王卷二十五道宗大安九年圍場都管卷二

伏誅四人同名撒八按重熙六年往害之年方二十

北宰相蕭撒八疑即官招討者留守蕭塔坦原作以疾薨聞帝哀之命有司葬龍門

山在今宣化府欲召其妃伊遜復使人殺之以滅口

攷異畢沅續通鑑云時其子延禧及女延壽俱養於

蕭懷忠家伊遜黨互相慶賀聚飲幾日及延禧等寄

食久會宮中李氏進挾穀歌文主感悟召入鞠養於

宮中史均未載陳浩遼史攷證云延壽初封楚國公



主進封趙國嫁蕭罕嘉努乾統中加晉國大長公主  
卷十二聖宗統和七年御史大夫及皇女卷十五開  
泰二年右皮室詳穩卷十七太平八  
年北敵烈部節度五人同名延壽  
帝後知其冤悔  
恨無及

九年夏閏六月戊寅追諡爲昭懷太子以天子禮改  
葬玉峯山

乾統元年冬十月甲辰上皇考昭懷太子諡曰大孝

順聖皇帝廟號順宗皇妣蕭氏曰貞順皇后追諡懿

德皇后爲宣懿皇后合葬慶陵

攷異畢沅續通鑑云天祚雖追尊順宗究

莫知其瘞所亦不亟求後遂不建陵寢所載稍異契  
丹國志云后生有神光之異後入宮爲芳儀進昭儀  
道宗立正位中宮性情恬寡慾魯王宗元之亂道  
宗與同射獵內外震恐未知音耗后勒兵鎮帖中外

甚有聲稱後崩葬祖州王士禎居易錄云國志蕭后傳云云焚椒錄所紀耶律乙辛張孝傑輩讒構賜死之事絕無一字及之又錄稱后爲南樞密蕭惠女而志曰贈平章顯烈女志言勒兵似嫺武畧者而錄言幼能誦詩旁及經史其所載射虎應制諸詩及回心院詞皆極工而無一語及武事且本紀道宗在位四十七年改元者三清甯咸雍壽昌初無太康之號而錄載乙辛密奏太康元年十月據宮婢單登及教坊朱頂鶴陳首云云已上皆牴牾不合不可解也按遼史宣懿皇后傳雖畧而與焚椒錄所紀同蓋國志誠疏耳姚士麟書焚椒錄後云鼎作此錄在謫居鎮州時時乙辛已囚萊州孝傑亦死故敢實錄其事但天祥時鼎當在如懿德皇后第二女趙國公主以匡救天祚竟誅乙辛孝傑剖棺戮尸以家屬分賜羣臣事並不補錄一快觀者何耶律日下舊聞考云馬鞍山萬壽寺內有戒壇遼咸雍間僧法均始闢之卽唐之慧聚寺有活動松壇前遼碑一乾文閣直學士王鼎撰大安七年立金碑一開府儀同三司致仕韓昉撰德四年立又已泐遼碑一起復知樞密院直學士施宜仲文撰建福元年立已泐金碑一翰林直學士虞

生撰貞元三年立此二碑今寺僧猶傳其文而訛脫  
頗多戒壇之前為明王殿殿門右石幢二刻尊勝陀  
羅尼咒并序右幢題識云太康三年歲次丁巳奉為  
故壇主崇祿大夫守司空傳菩薩戒沙門裕經等立左幢  
門人傳戒大師講經律論賜紫沙門裕經等立左幢  
題識云受戒弟子范陽王鼎撰文太康元年歲在乙  
卯建階下塔二右塔為普賢衣鉢塔左塔石刻云遼  
故崇祿大夫守司空傳菩薩戒壇主普賢大師之靈  
塔明正統十三年  
築壇如約道孚建

當時連及者宿直官德喀里原作敵等三人北院宣

徽使耶律托卜嘉原作捷不也本傳字撒班系出季

德節度政今官欲殺伊遜及其黨事覺被執迫封漆

水郡王繪像宜福殿攷異陳浩遼史攷證云同時宣

徽使同殺又祇候郎中卷二十二道宗清甯九年宿

衛官本卷咸雍三年右護衛太保卷二十五太康九

年西北招討使戰死卷二十八天祚天慶六年侍御

司徒又是年東京族人又是年中丞又十年上京留

守卷二十九保大二年典禁衛又四年國舅詳衮卷  
三十雅里神歷時德呼部統軍卷四十八百官志太  
康三年同知度支使事卷九十九太康時同知漢人  
行宮都部署十五人同名撻不也按此之撻不也一  
作塔不也卷九十九本傳作撻不也刑法志亦作撻  
不也均係一人又卷一百一十一塔不也傳西北路招  
討使另及其弟辰賚陳原作陳留疑即此人卷二十三太康  
一三年陳留被同知漢人行宮都部署蕭托卜嘉捷原作  
殺另傳字烏拉丹郡王噶濟孫性剛直由彰愍宮使  
也本傳字烏拉丹郡王噶濟孫性剛直由彰愍宮使  
尙趙國公主拜駙馬都尉致今官爲伊遜所嫉誣告  
謀廢立事不勝榜掠誣伏上引問昏瞋不能自陳遂  
見殺追封蘭陵郡王繪像宜福殿攷異卷三十三道  
宗紀六月壬午殺宣徽使托卜嘉等二人乙酉殺耶  
律托卜嘉傳未嘗爲宣徽使按二人同名同死一事但蕭  
托卜嘉傳是殺於壬午者爲耶律托卜嘉殺於乙酉者  
使見殺是殺於壬午者爲耶律托卜嘉殺於乙酉者  
爲蕭托卜嘉見等二人始平節度使薩刺本傳字撒刺  
陳浩遼史攷證

隱南院大王穆爾古孫性忠直官北院大王帝復召

伊遜薩刺誅者三不聽出鎮始平誣以廢立事遣使

殺之追封漆水郡王繪像宜福殿并追贈三子官爵

攻異道宗紀咸雍九年以南院宣徽使薩刺為南院

大王與等十人上京留守蘇色本傳字禿魯堇圖魯

樞副經畧西南邊有功因與伊遜忤誣其首謀廢立

按之無驗改上京留守尋以前事殺之方盛暑尸諸

野色不變烏鵲不敢過追及已徙護衛薩巴原作等

封蘭陵郡王繪像宜福殿原作及已徙護衛薩巴原作等

六人東京留守同知耶律和勒博原作回里不攷異

大王回里等皆被害并殺蘇色等諸子籍其家攷異

不另一人耶律

古雲傳子鄂摩官漢人行宮副部署太子被誣詞連

鄂摩帝釋之尋復奏與蕭揚珠私議宮壺事被害後

贈平章事畢沅續通鑑云時徙太子黨於邊耶律努

嘗忤伊遜在從中其妻蕭意辛為呼圖公主女公主

欲使離婚意辛不可隨在流乾統初御史中丞耶律

所事夫禮敬有加紀俱未載

實嚙

原作石柳

上書請誅姦黨并錄順宗升遐及伊遜搆

陷等事以聞不報論者惜之卒官靜江節度使子瑪

格

原作馬哥

同平章事

攷異金史王賁傳字文孺宛平人曾祖土方正直敢言遼道宗信伊

遜之譏殺其太子

世無敢白其冤者土方擊義鐘以

訴之主悟卒誅伊遜

厚賞土方授承奉官史未載畢

沅績通鑑實嚙作實

略云以附太子流鎮州召入爲

御史中丞時治伊遜

黨多以賄免實略上疏請盡誅

姦惡并求順考瘞

所不報所載較詳

遼史紀事本末卷三十

遼史紀事本末卷三十一

貽封資政大夫 特賞內閣中書前江西峽江訓導萍鄉李有棠編纂

耶律伊遜之姦 姦黨附

道宗清甯九年夏六月己丑以耶律伊遜

原作乙辛 攷異汪輝

祖遼史同名錄云卷二十三清甯九年宮分人又是年護衛官三人同名乙辛

為南院樞密

使伊遜字呼圖克琨

原作胡都袞 又作胡圖克

五院部人父特爾

格

原作迭刺

家貧服用不給部人號窮特爾格母方娠夜

夢手搏殺羊拔其角尾既寤占之術者曰此吉兆也

羊去角尾為王汝後有子當王及生而慧黠嘗牧羊

熟寢至日昃父驚覺之伊遜怒曰適夢人執日月以



食我我方食月啖日方半而遽覺惜不盡食之及長  
美丰儀外和內狡興宗重熙中爲文班吏掌太保印  
陪從入宮仁懿皇后見其詳雅如素宦令補筆硯吏  
興宗亦愛之遷護衛太保道宗卽位以先朝任使賜  
漢人戶四十同知點檢司事帝召決疑獄擢北院同  
知厯樞密副使至是用爲南院樞密使

七年春三月庚戌以伊遜知北院樞密使事封趙王  
九年秋七月壬戌以討平重元功加伊遜太子太傅  
北院樞密使進王魏賜匡時翊聖竭忠平亂功臣  
咸雍五年加伊遜守太師詔四方有軍旅許以便宣

從事由是勢震中外門下饋賂不絕凡阿順者蒙薦

擢忠直者被竄逐

攷異畢沅續通鑑云時遼人諺曰甯違敕旨毋違魏王白帖子按文

獻通考云洪基幸其臣耶律英弼累封魏王北人諺云云英弼即伊遜之訛又金史左企弓傳謂蕭英弼

賊昭懷太子蓋時方易代傳聞異辭也

太康元年夏六月丙辰皇太子始總朝政法度修明

伊遜不得逞謀以事誣皇后冬十一月辛酉后被誣

賜死太子有憂色伊遜懼欲并害之乘間入奏曰帝

與后如天地並不可曠盛稱其黨駙馬都尉蕭錫默

原作霞抹攷異汪輝祖遼史同名錄云卷二十二道宗清甯九年官分人卷八十六耶律頗的傳頗的子

北樞密副使三人同名之妹美而賢帝信之冊爲后霞抹通鑑輯覽作薩滿

放異畢玩續通鑑云后居二年未有子其妹嫁伊遜  
子舒嘉后稱其宜子遂嫁納於宮中蕭呼哩勒即  
以女妻舒嘉后勢橫肆至有無君之語朝野側目后  
等降為惠妃出居乾陵還其妹於母家大安二年如  
母燕國夫人以巫蠱壓魅皇太孫事覺伏誅妃弟蕭  
酬幹流烏爾古部又錫默係后兄本紀書為叔疑誤  
惠妃字塔斯原作垣思其妹字額特塔原作幹特懶  
舒嘉一作蘇葉原作緩也妃以厭魅事貶為庶人諸  
弟沒入興聖宮天慶六年召還封太皇太妃後二年  
奔黑頂山卒葬太子山蕭酬幹紀作蕭綽哈封蘭陵  
郡王除名置近郡仍時護衛蕭和克原作忽古惡伊遜姦  
隸興聖宮所載各異  
伏橋下欲殺之俄暴雨壞橋謀不遂攷異本傳字阿爾斯蘭性忠直  
趨捷多力既伏橋下欲殺伊遜不果後又欲殺於獵  
所為親友阻三年復謀殺伊遜及蕭特爾特等事覺  
戊邊太子死召至殺之後贈林牙蕭嚴壽密奏曰伊  
龍虎衛上將軍所載較詳  
遜自太子秉政內懷疑懼又與宰相張孝傑附會恐

有異圖不可使居要地明年夏六月出伊遜為中京

留守

攷異畢沅續通鑑謂伊遜外遷在冊后之前與史及徐乾學後編不合又云時伊遜既出羣稱

主能納忠言宣徽使諧里等各以表賀詳見上卷紀及伊遜傳均未載

適其黨蕭錫默

言於帝帝悔召還復為北院樞密使出巖壽為順義

節度使尋流於威

原作烏隗

部時召近臣議北面官屬無

敢言者耶律薩喇

原作撒刺

曰初以蕭巖壽奏出伊遜若

所言不當宜坐以罪若當則不可復召累諫不從

攷異

蕭巖壽傳會伊遜生日上遣近臣白斯本賜物為壽

伊遜因私囑白上臣見姦人在側陛下孤危身雖在

外竊用寒心白斯本還以聞後遣人賜以車論曰無

慮弗用行將召矣由是反疑巖壽所載較詳又宏簡

錄白斯本由是讒謗忠良斥逐殆盡復因蕭錫沙

原作布色貝

十之言夜召蕭特爾特

原作得裏特攷異太子濬傳作特裏特托卜嘉傳作特里

得均係

謀構太子遂於三年夏五月令護衛太保察

喇

原作查刺攷異卷一百十人

等誣告蕭蘇色

原作速撒等

謀廢立詔案無狀而罷尋令牌印郎君蕭額圖琿

原作

說都

誣首與謀伊遜等鞠治逼令具伏帝怒命誅薩

喇及蘇色等伊遜恐帝疑引數人庭詰各令荷重校

繩繫其頸不能出氣均不堪其酷求速死反奏曰別

無異辭時方暑尸不得瘞以至地臭乃囚太子於上

京尋害之及其妃語詳昭懷太子事中

攷異畢沅續通鑑云初遼

太師迪嚕妹名常格操行修潔自誓不嫁嘗作文述時政主善其言而不能用伊遜聞其才屢求詩篇

遺以同文伊遜知其諷己銜之及太子廢誣以罪案  
之無述其兄迪魯請鎮州因隨往布衣蔬食終其身  
有常哥集行世又卷八十二常哥傳官北府宰相常  
哥另一人時參政劉伸亦與伊遜忤出鎮雄武字濟  
時宛平人官南院樞密副使道宗嘗謂大臣曰今之  
忠直耶律玠劉伸而已玠字烏展約尼森濟汗後官  
樞密副使  
均見本傳

五年春正月帝將出獵伊遜奏留皇孫帝欲從之同

知點檢蕭兀納一名托卜嘉攷異畢諫曰皇孫尙幼

左右無人願留臣保護以防不測遂與皇孫俱行帝

始疑伊遜姦攷異兀納傳字特默六院部人伊遜旣

徽使諫止之復因保護皇孫尙越國公主拜南院樞密使

比狄仁傑令輔導皇孫尙越國公主拜南院樞密使

北府宰相厯副元帥一作撻不也累官契會北幸將

丹部宮使天祚紀作契丹行宮都部署契會北幸將

遼史紀事本末卷三十一四

次黑山

在朵顏衛東今喀喇沁地見方輿紀要

之平定帝見扈從官多

隨伊遜後益惡之出知南院大王事加裕悅

原作于越削

一字王爵改封混同郡王

攷異畢沅續通鑑云時遼定王爵之制惟皇子仍一

宇王餘並削降於是趙王楊績降封遼西郡王吳王

蕭罕嘉努降封蘭陵郡王伊遜亦降封混同是削一字王爵初非因事并非及赴闕入謝即日遣還改知

興中府事

攷異史稱六年正月辛卯出知興中府事而宏簡錄云五年三月壬辰加於越出之

以耶律霖為北院樞密使所載各判

七年冬十一月伊遜坐以禁物鬻於外國罪當死詔

擊以鐵骨朵囚之來州

攷異本傳作萊州遼置廢城在今錦州府甯遠州紀作十

二月辛未本傳時下有司議法當死其黨雅克獨奏當入八議得減死論王易燕北錄云鐵骨朵亦曰鐵

爪番呼髮觀以熟鐵打作八片虛合或用柳木作柄  
約長三尺兩邊鐵裏打數不過七下又沙袋以牛皮  
夾縫如鞋底內盛沙半升柄以木作胎亦用牛皮裏  
約長二尺打數不過五百刑法志云沙袋者穆宗時  
制長六寸廣二寸柄一尺許又有木劍大棒者太宗  
時制木劍面平背隆大臣犯罪重欲寬則繫之其數  
三自十五至三十鐵骨朵之數或五或七有重罪者  
將決以沙袋先於睢骨之上及四周繫之又凡杖五  
十以上者以沙袋  
決之所載甚詳

九年冬十月伊遜謀叛亡入宋及私藏兵甲事覺伏

誅

攷異本傳事  
覺縊殺之

天祚帝乾統二年春三月詔誅伊遜黨徙其子孫於

邊發伊遜冢剖棺戮屍以其家屬分賜被殺者之家

同黨張孝傑重熙中擢進士第一

建州永霸縣人攷  
異續通考云重熙



二十四年孝傑及第詣佛寺忽迅風吹其幙頭與浮

圖齊墮地而碎老僧曰此人必驟貴然亦不得其死

後果累官北府宰相封陳國公賜國姓漢人中貴幸

無比於社稷可方唐之狄仁傑賜名仁傑許放海東

青鵠以寵異之等因從獵得頭伊遜之害太子其謀

鵠帝甚喜命加侍中所載較詳伊遜之害太子其謀

居多伊遜敗帝始悟其姦佞出為武定節度使

續通鑑云仁傑久在相位貪貨無厭時與親戚會飲

嘗曰無百萬兩黃金不足為宰相家見本傳按道宗

朝為北府宰相者考傑外尚有耶律陳留蕭阿速蕭

九哥蕭尤者蕭兀吉楊績蕭余里也蕭撻不也蕭袍

里而南府宰相則耶律塗字特耶律滌魯蕭德蕭清

古蕭圖古辭耶律巢哥蕭何葛王績耶律王九寶景

耶律頗德耶律鐸鐸蕭何葛王績耶律王九寶景

王經杜公渭耶律鐸鐸蕭何葛王績耶律王九寶景

則梁頴韓資讓鄭顥見坐私販廣濟湖鹽及擅改詔

沈炳震廿一史四譜

旨削爵貶安肅州數年歸死於鄉乾統初剖棺戮屍

籍其家

耶律雅克

原作燕哥一作休格字善甯政異陳浩遼史攷證云卷六十五

公主表聖

宗女亦名燕哥

又卷十五聖宗開泰四年

東京留守

卷十八興宗重熙六年

殿前都點檢均名

善甯本傳季父房後四世祖托魯原作鐸

穩太祖異母弟皇子表德祖子無此人

宗室太師

呼魯蘇

原作里斯

子附伊遜官北面林牙訊太子獄攷

其言爲欸伏及太子廢死伊遜殺害忠良多其謀後

終南府宰相西京留守以疾死

蕭錫沙摩和納

原作

乃茂古

部人節度都勒幹

原作魯幹

子出入伊遜家官殿

前副點檢排擊善良首勸構陷太子前後皆其計伊

遜復召亦出其謀尋由樞副出爲保州統軍使乾統

初剖棺戮屍二子的里得年結原作念經皆伏誅 蕭額

哩頁原作余里也攷異卷二十八天慶七年北院大

滑稽尚鄭國公國舅阿拉次子附伊遜由甯遠節度

使薦為國舅詳袞原作詳穩封遼西郡王北府宰相太子

之禍多助成之以女姪妻伊遜子蘇葉原作緩也遂知北

院樞密事恃勢橫恣朝野側目坐黨免官起西北招

討使母憂去職死 耶律嚇魯原作合魯卷一百十

史攷證云卷六十六皇族表懿祖系尼古察裔曷魯

係一人又卷二十八天慶七年東北面行軍將卷七

十八耶律伊勒哈傳父檢校太師卷九十三蕭托雲

傳三韓郡王卷九十六耶律阿蘇傳道宗時巨五人

同名六院錫里原作舍利尼古察原作古直後柔佞附伊遜

爲北院大王其弟烏頁

原作吾也

亦黨附官南院大王伊

遜之害太子殺忠直嚇嚙多預其謀時號二賊 蕭

特爾特約尼

原作遙輦

溫汗

原作注可汗

官分人伊遜用事甚

見倚任其監送太子赴上京摧辱倍至至則築圍土

囚之官西南招討使轉國舅詳袞尋坐怨望以老免

死貶官閣門籍興聖宮死乾統間二子得末額呼

原作

訛里坐誅

蕭額圖瑄國舅少父房後希伊遜意誣告

廢立事並云臣亦預謀恐事洩連坐帝暴怒太子遇

害由牌印郎君尙皇女趙國公主爲駙馬都尉

攷異公主

表道宗第二女封趙國公主下嫁蕭托卜嘉坐太子

事被害其弟額圖瑄欲逼尙公主公主以其爲姦黨

意甚惡之未幾誅似公主未改適與道宗紀及本傳

不合續通考亦云說都幹欲逼尙公主以匡救為心

惡之未幾誅天祚幼乙辛用事公主每以匡救為心

竟誅乙辛大安五年薨按宣懿后生三女長蘇克濟

原作撒葛只封鄭國公主進封魏下嫁蕭茂次扎里

原作紉里封趙國公主即下嫁蕭托卜嘉者三托里

原作特里封越國公主嫁蕭哈得罪離之改適蕭

特默為金所擒公主從天祚出奔亦被獲所載甚詳

後與伊遜議事不合衡之復以衣服僭擬乘輿被誅

語人曰前事皆伊告我恐事彰殺我以滅口耳蕭

達囉克原作達魯古約尼兆古汗原作潮古可汗宮分人性姦險

太子廢徙上京伊遜使與薩巴原作撒八往害之同留守

蕭塔坦原作撻得夜引力士至囚室詐云有詔召太子出

殺之函其首以歸給云疾薨復恐事白出入常帶佩

殺之函其首以歸給云疾薨復恐事白出入常帶佩

殺之函其首以歸給云疾薨復恐事白出入常帶佩

刀急卽自殺官國舅詳袞乾統間大索黨人以賄免  
疾死 耶律托卜嘉原作撻不也仲父房之後蕭額圖瑋  
誣告太子托卜嘉亦以預謀實其事授延慶宮副使  
乾統間大索黨人亦以賂免後官德略原作敵烈部節度  
使以疾死

遼史紀事本末卷三十一

遼史紀事本末卷三十二

貶封資政大夫 特賞內閣中書前江西峽江訓導萍鄉李有棠編纂

金人兵起

天祚帝乾統二年冬十月乙卯國舅蕭哈里

原作海里攷異

畢沅續通鑑作諧里叛劫乾州武庫兵甲命北面林牙赫嘉努

原作郝家奴

往捕亡入女直彭楚

原作陪尤

水阿克展

原作阿典改作

占阿克部赫嘉努以不獲免官明年春正月女直函其

首來獻女直

原作女真避興宗諱改後改號金攷異北盟會編云本名朱理真番語訛為女

真李心傳建炎以來繫年要錄云其國在漢稱伊撓南北朝稱和奇隋唐稱默爾赫五代稱女真本新羅

人其先出靺鞨氏號勿吉古肅慎氏地也元魏時勿



吉有七部至唐初祇存黑水靺鞨粟末靺鞨二部粟

末靺鞨始附高麗姓大氏嗣保東牟山後爲渤海稱

王黑水靺鞨亦附高麗嘗拒唐太宗於安市開元中

入朝置黑水府拜都督賜姓名李獻誠攷異王溥五

京師東北六千餘里開元十年二月安東都督薛泰

請置黑水郡其酋爲都督置長史一人以監領之

其後服屬渤海朝貢遂絕迨太祖天顯元年國兵平

渤海而黑水靺鞨來附其地有混同江卽黑龍江在

江南者入遼籍號熟女直在江北者不入遼籍號生

女直攷異北盟會編云本高麗朱蒙之遺世居阿芝

女真黃頭女真二部所居地亦名阿木火熟女真一

名合蘇款來流河卽拉林水金史地理志在上京會

寧府今寧古塔地汪若海麟書云射鹿以聲奉朝貢

自注曰女真善射能為鹿鳴呼羣鹿而射之

如例其始祖名函普居完顏部傳至烏古廝原作烏廝

異畢沅續通鑑作阿凡六世始拜節度使稱為都太

庫納云舊作烏古納凡六世始拜節度使稱為都太

師攻異薛應旂通鑑云烏古廝始役屬諸部會五國

獻於遼主召見燕賜加等拜節度使始有官屬紀綱

漸立及五國穆延部舍音叛復擊敗之畢沅續通鑑

富聶赫作佛寓云舊作蒲聶巴延號景祖卒子和哩

瑪勒作巴哩美云舊作拔乙門號景祖卒子和哩

布智原作劾里鉢一作合理博攷異績綱目云嚴重多

者稱貝勒子十一長為嗣號世祖卒弟頗拉淑原作

烏雅舒次郎阿古達也嗣號世祖卒弟頗拉淑原作

淑又作嗣號肅宗卒弟英格原作嗣亦曰揚割太師

蒲拉舒嗣號肅宗卒弟英格原作嗣亦曰揚割太師

討紇石烈舍哩赫部阿蘇原作蘇來訴詔止使勿攻

至是哈里叛英格擒而獻之得甲五百副始知國兵

易與益自肆矣英格尋卒號穆宗兄子武雅淑原作烏雅

東攷異續綱目作烏雅舒嗣號康宗卒弟阿固達原作阿骨打攷

古達自稱達貝勒史原亡遼錄作阿姑阿姑嗣攷異天祚

打鍾邦直行程錄云名文小字阿古忽紀英格之

卒載在乾統元年而擒哈里事又繫

之英格卒後今從金史世紀改正

天慶二年春二月丁酉帝如春州攷異地理志無春

當作長春州今為鄂爾羅斯地又地理志云龍陽軍

古鴨子河春獵之地重熙八年置隸延慶宮統縣一

長春本混同江地此幸混同江攷異續通考云源出

城又北合松花江東入海松花江源出長白山湖中

北流經南京城會灰扒江至海西合混同江又兀良

河源出沙漠南流合洮兒河腦濕江入混同江東入

於海通鑑輯覽云混同江即松花江在今吉林烏喇

城東南發源長白山北流會鄂諾河又東合黑龍等  
江入於海鄂諾河舊作鄂娛河今改聖宗紀太平四  
年改鴨子河為混同江塔魯河為釣魚生女直部長  
長春河蓋二河均在長春州近地

來朝故事生女直部長在千里內者皆來朝置魚頭

宴頭異國語解帝歲時釣魚得頭魚輒置酒張宴曰  
蓋誤武珪宴與頭鵝宴同史及續綱目諸書作魚頭宴

歲好惡敬中國賞花釣魚然非釣也釣也達魯河東  
與海接嶺正月方凍至四月而泮其釣是魚也戎主

與其母皆設帳冰上先使人於河上下驅使集戎主  
於斡透冰眼中用繩鉤擲之無不中者遂縱繩令去

其魚倦即曳繩出之謂之得頭魚遂相與作樂上壽  
按達魯滿州語飲馬處也今譯改作達掄周必大有

老堂雜誌云贊寧物類相感志引博物志曰東海有  
牛魚其形似牛剝其皮懸之潮水至則毛起退則毛

伏今東牟有海牛島其牛無角足似龜長丈餘尾若  
鮎焉王易燕北錄云牛魚即鱗之大者程大昌以為

牛魚似牛形蓋祖贊寧之說其實非也周麟之海陵

魚也

外集云牛魚出混同江其大如牛或云可與牛同價  
故名方以智通雅云牛魚北方之鮪類也李燾長編  
云蕃俗喜罩魚設壇廬於河水之上密掩其門鑿冰  
爲竅舉火照之魚盡來湊卽垂釣竿罕有失者宋綬  
等使北至張司空館聞國主在土河罩魚以魚來饋  
江休復嘉祐雜志云鴨綠水牛頭鰐製爲魚形遼婦  
人貼面花酒半酣帝臨軒命次第起舞獨阿固達辭  
紀載各異

論之再三不應帝語蕭奉先以邊事誅之奉先諫謂

恐傷向化心而止攷異東都事畧云主以阿骨打顧

初非因不肯起舞也契丹國志云道宗末年阿骨打

入朝以悟室自隨朝貴與爲雙陸戲相爭阿骨打怒

以刀戕其胸不死侍臣請誅之道宗不許侍臣因以

王衍縱石勒張守珪赦麻山比之終不聽史亦未載

阿固達疑帝知其有異志遂稱兵先併旁近部落女

直卓克算原作趙三攷異卷二十二道宗咸雍四年

北院大王趙三姓耶律氏詳耶律那也傳

人另  
阿古齊原作阿拒之阿固達虜其家屬二人走

訴咸州地理志云本高麗銅山縣地渤海置銅山郡地在漢侯城縣北渤海龍泉府南初號和掄

台布城開泰八年置州號安東軍詳衮原作司轉送

治咸平故城在今奉天府鐵嶺縣詳衮詳穩司轉送

至  
事聞命送咸州詰責使自新後頻召之悉辭不

三年春三月阿固達率五百騎突至咸州吏民大驚

翼日赴詳衮司與卓克算等庭辨不屈送所司問狀

遁去遣人訴於上仍召不至

四年秋九月女直叛攻寧江州地理志云號混同軍清寧中置屬東北統

軍司治混同縣故城在今吉林烏喇北混同江東攷

異洪皓松漠紀聞云州去冷山百七十里地苦寒多  
登史紀事本末  
卷三十二  
四

草木每春冰泮戎主必至其地鑿冰鉤魚放弋為樂

女真來獻方物若鼯鼠之類各以所產量輕重打搏

謂之打女真後多強取女真始怨暨兵起首破此州

馴至亡國冷山去燕山三千里楊賓柳邊記畧云冷

山土人呼白山以其無冬夏雪白也方初女直起兵

與紀要云州東北有寥晦城所載較詳

赫舍哩原作紇部人阿蘇原作阿疎不從遣薩該原作撒改討

之阿蘇弟達呼布原作狄來告詔止之弗聽阿蘇來

奔女直屢索之不發蘇攷異薛應旂通鑑云盈格聞阿

久之阿蘇不敢使侍御阿息保攷異通鑑輯覽詰其

還遂攻取其城作愛錫拉布

建城堡之故曰若還阿蘇朝貢如故不然城未已也

遂發渾河北在今奉天府承德縣南源出邊外下流

裕遼載云渾河在遼陽城南十里一名小遼水按漢

書及水經注俱云高句驪縣有遼山小遼水所出又

明一統志云蒲河源出輝山諸軍益東北路統軍司

攷異續編日云主好畋獵酣酒怠政歲使市名鷹海

東青於海上道出生女直使者貪縱部人苦之乃謀

集諸軍次寥晦城畢沉績通鑑云宋梁子美初轉運

河北領漕計奉上至捐縉錢三百萬市北珠以進珠

出女直子美市於遼遼嗜利虐女直捕海東青以求

球女直深怨之而子美用是顯圖經志書云翎之品

海東青白海青青海青白黃鷹黃鷹皂鵬鴉鵲赤鵲

免鵲角鷹白鵲崖鷹魚鷹鐵鵲木鵲鵲鵲兒百雄茸

梁兒以上皆為羽獵之萃者所津津志云海東青產遼

東海外隔數海而至常以八月十五渡海而來者甚

衆古人云疾如鵲子過新羅是也尼嚕罕田地是渡

海人獲之即贖罪傳驛而歸嘗詢錫寶齋云海青一

翅七日或八九日始得至尼嚕罕或饑渴多溺死凡

得至此地者皆健奮獨能破駕鵲之長陣絕雁鷺之

孤鶩雲間獻奏臂上功勳此其功也錫寶齋者蒙古

養禽鳥人也舊作昔賓赤尼嚕罕滿州語畫也舊作

努兒干今俱譯改志又云大鵲又名駕鵲大者三五



十斤小者廿餘斤俗稱金冠玉體乾阜靴是也彼中  
海濱人集契丹歌云平沙軟草天鵝飲數宿而返姜夔白  
石道如許鞵低昂圍漸急驚作羊角凌空飛海中健鶻  
打圖皂旗陳元龍格致鏡原云北山產海青鳥小而  
健如毛羽陳元龍格致鏡原云北山產海青鳥小而  
紛落擒天鵝然羣燕撲之則墜亦謂之海青東青白  
捷能異五國城東出頭鵝葉子奇草木子云海東青  
者尤異五國城東出頭鵝葉子奇草木子云海東青  
能得頭鵝者元朝宮裏賞鈔五千錠楊瑀山居新語  
云頭鵝即天鵝也李燾長編云遼人皆佩金玉錐號  
殺鵝殺鵝每初獲即拔毛插之以鼓為坐遂縱飲  
最以此為樂又好以銅及石為鎚以擊兔每秋則衣  
褐裘呼鹿射之夏以布衣帳璫藉草圍碁雙陸或深  
澗張鷹吳翊五總志云遼人致守邊兵獨在北曰強  
軍蓋以禦女真也末主好獵求海東青於女真且抽  
強軍為從衛役求愈急強兵阿固達乃與弟尼雅滿  
日削遂為女真窺伺悲夫

原作瑞寶

胡原作等謀以尼楚赫

原作銀

伊呀

原作羅

移烈

索

原作棟摩

原作母等

為帥集諸部軍擒障鷹官

薛應

茂異

族通鑑云阿骨打會兵於拉林水得二千五百人至

遼界遇渤海軍來攻衆少卻遼兵直攻中軍遼耶律

色錫堅馬阿骨打射殺之遼軍大

奔蹂踐死者什七八所載較詳

及攻寧江州蕭托

卜嘉與戰敗績

北統軍使嘗上書請乘其未發舉兵

圖之章數上不聽金兵攻寧江州戰敗留官屬守城

自以騎三百渡混同江而西城遂陷其孫伊德濟死

之坐免官起上京留守章努叛來攻拒御之卒官副

元帥蕭托斯和傳寧江陷天祚召羣臣議托斯和曰

女直國雖小勇而善射自執蕭哈里勢益張我兵久

不練若遇強敵稍不利諸部離心不可制矣今宜大

發諸道兵以威壓之庶可服也蕭塔喇台曰如此徒

示弱但發清水以北兵足拒之遂不用其計數月間

邊兵屢北人益不安方與紀冬十月壬寅以守司空

要云滑河在寧塞縣紀未載

蕭嗣先為東北路都統率諸道兵討之引軍屯出河

遼史紀事本末

卷三十二

六

店兩軍對壘女直兵潛渡混同江掩擊嗣先軍潰崔

公義邢頴耶律佛哩原作蕭噶克實等死之異

薛應旂通鑑云時以司空蕭嗣先為都統蕭托卜嘉

副之史愿亡遼錄嗣先作嗣光契丹國志云嗣先等

兵屯出河店臨白江女真潛渡江未陣來襲遼軍潰

輜械悉為女真所得出河店即珠赫店金史太祖紀

云遼都統蕭嘉哩等會兵鴨子河北太祖自將擊之

未至鴨子河會夜方就枕若有扶其首者三寤而起

日神明警我也即鳴鼓舉燧而行遇遼兵擊十一月

走之遂登岸乘風奮擊大敗之所載較詳十一月

壬辰都統蕭敵里等營於沃稜原作幹隣攷異續綱

作沃楞在黃渤東又為女直所襲卒死甚眾敵里坐

龍府東北免官攷異蕭兀納傳與蕭敵里拒金兵於長深以軍

免官敗免官紀未載按金太祖紀兩敗俱作蕭嘉哩

即敵里未書嗣先辛丑命耶律幹里朶攷異續綱目

名今從天祥紀

州語宮也舊作幹耳朶今等代之十二月咸賓祥三

州地理志云賓州懷化軍本渤海城統和中及鐵驪

兀舍原作皆叛入女直攷異續綱目云遼人嘗言女

滿萬云契丹國志云女真入攻前後多見天象或白

氣經天或白虹貫日或天狗夜墜或彗掃東南赤氣

敗史多未載

五年春正月阿固達稱帝國號金改元收國用鐵州

降人楊朴策也攷異史於金稱帝載在天慶七年今

至七年改元天輔非於七年始稱帝也契丹國志大

金國志繫於天慶八年惟續綱目及通鑑輯覽與金

史同時宋政和五年也並云改名旻色尙白以烏奇

邁爲安班貝勒薩哈舍音爲古倫貝勒宋史云以吳

乞買爲諸班勃極烈撒改斜也爲國論勃極烈北盟

會編又作諸版序極烈糾官也猶中國總管自五戶

臺史見其下卡

李極烈至萬戶李極烈皆自統兵通鑑輯覽云以武

奇邁為阿木班貝勒薩拉噶舍音為固倫貝勒名稱

互異皆官之最貴者所謂國相也金史國語解以金

為愛新所居在愛新水之上水源於此因又謂之金

源愛新水即今呼爾哈河在寧古塔城東南源出吉

林鳥喇東北流入混同江唐曰忽汗河金曰金水河

所載是月帝使僧嘉努原作僧持書約和斥金主名

較詳是月帝使僧嘉努原作僧持書約和斥金主名

金遣賽刺一作薩刺致異屬國表作塞刺係一人卷

哈斯罕宰相復書若歸叛人阿蘇遷黃龍府攻異地

均另一人復書若歸叛人阿蘇遷黃龍府理志云

龍州黃龍府本渤海扶餘府太祖至此崩有黃龍見

更名保寧七年軍將雅爾丕勒叛府廢開泰九年復

置統縣三黃龍遷民永平州五益州治靜遠縣安遠

州懷義軍威州武寧軍清州建寧軍雍州皆隸黃龍

府於別地然後議之耶律幹里朶與金兵戰於達里

庫城敗績原作達魯古攷與金史作達魯噶通鑑輯

覽原作達魯克方輿紀要作幹魯古續綱目

庫城敗績原作達魯古攷與金史作達魯噶通鑑輯

覽原作達魯克方輿紀要作幹魯古續綱目

覽原作達魯克方輿紀要作幹魯古續綱目

云遼遣都統鄂爾多等戍邊且屯田為長久計金主  
自將擊之於達魯噶城大敗之逐北至阿魯岡步卒  
盡殫并耕具盡失之所載三月遣耶律章嘉努原作張家

較詳輯覽阿魯作阿婁奴攷異通鑑等六人齎書書斥其主名冀以速降夏  
輯覽作卓諾

五月章嘉努持阿固達書還復遣之往六月壬子章

嘉努等還阿固達復書亦斥名諭降蕭色埒原作薛刺一作

辭刺攷異通鑑輯覽作齊刺使金以不屈見留秋七月都統幹里

朶等與金兵戰於白馬濼敗績坐免官八月丙寅以

圍場使鄂博原作阿不為中軍都統耶律章嘉努原作張家奴

為都監率番漢兵十萬蕭奉先為御營都統耶律章

努原作章奴字特們本傳字塔瑪雅舊作特末循季父房之後攷異皇族表作張奴傳載父為察喇皇

遼史紀事本末卷三十二八

族表未列名充諸行營都部署爲副以精兵二萬爲先鋒

餘分五部爲正軍貴族子弟千人爲硬軍扈從百司

爲護衛軍北出駱駝口以都點檢蕭呼塔噶原作胡覩姑

爲都統樞密直學士柴誼爲副將漢步騎三萬南出

甯江州自長春州分道而進發數月糧期必減金九

月丁卯朔金陷黃龍府攷異續綱目云時金兵攻混同江無舟以渡金主使一人

導前乘赭白馬徑涉日視吾轍所指而行金兵遂濟克黃龍府史未載

六年夏五月金兵取瀋州地理志云瀋州昭德軍本挹婁國地渤海置州太宗

改興遼軍後更名屬敦睦宮縣二樂郊靈源州一巖州白巖軍泊白巖縣遂克東京擒高

永昌東京族人赫伯等降金是月烏舍原作吳歸金攷

屬國表歸金者  
二人同名吳十

七年春正月金兵攻春州國兵不戰自潰孟古一作女古

皮室四部及渤海人皆降金金復下泰州方輿紀要云泰州在

臨潢東南亦曰德昌軍本契丹二十部族放牧之地因黑鼠族衆犯龍化州遷其民於此金廢攷異地理志云黑鼠族穴居膚黑吻銳類鼠故名州隸延慶宮縣二樂康興國冬十二月丙寅都

元帥秦晉國王洺遇金軍戰於蒺藜山敗績金遂拔

顯州今錦州府廣寧縣是攷異地理志云號奉先軍本渤海顯德府地世宗置以奉顯陵卽東丹王

墓也州在醫巫閭山東南應歷元年穆宗復葬世宗於顯陵西山仍禁樵採有十三山及沙河隸長寧積

慶二宮統州三縣三奉先縣本漢無慮縣山東縣本漢望平縣歸義縣以渤海戶置又嘉州嘉平軍遼西

州阜平軍本漢遼西郡地治長旁近州郡攷異續綱目云金烏

慶縣康州治率賓縣均屬顯州



榜古攻顯州遼怨軍元帥郭藥師乘夜襲走之烏榜  
古遂與王戰敗績追至額勒錦跋遂拔顯州於是乾  
懿豪徽成川惠皆降金薛應旂通鑑云時楊朴言於  
金主曰自古英雄開國每先得大國封冊從之使至  
遼值大饑蕭奉先勸遼主許之史未載歲饑事又豪  
作壕嶽作復皆遼置乾懿川壕四州故城皆在今廣  
寧縣境復州故城在今錦州府義州惠州故城在今  
喀刺沁右翼王宗沐續通鑑豪作蒙餘同方輿紀要  
云惠州亦曰惠和軍唐歸義州地遼初俘漢民於薨  
屬山下築城居之曰惠州徽成懿壕皆係頭下軍州  
隸上京詳卷九復州懷德軍統縣二永寧德勝乾州  
詳卷二十薛延龍全遼志云廣寧在遼陽城西二百  
三十里本漢遼東無慮縣晉屬平州唐置巫閭守捉  
城渤海爲顯德府地遼置乾州廣德軍復州在遼陽  
城南四百二十里遼爲遷民縣屬黃龍府後又置復  
州懷德軍遼東志云廢懿州在廣寧城東北二百二十  
里遼置祝穆輿地要覽云懿州有羊腸河大斧山北  
蕃地里志云川州在中京東四百三十里亦爲長寧  
軍高上奇松亭行紀云喜峯古松亭山也奇峯削下  
腰有洞高二丈餘深倍之遼史爲松亭關遼中京留

守司開泰中置澤州俘蔚州民立寨居之彭汝礪鄱  
陽集惠州詩曰城壘四五尺閭閻千百家朝塵疑作  
雨暮雪欲飛花舊寺僧何在空堂鬼自邪三更愁不  
寐相笑是皇華蘇轍樂城集惠州詩曰孤城千室閉  
重圍蒼莽平川絕四隣漢使塵來空極目沙場雪重  
欲無存羞歸應有李都尉念舊可憐徐舍人會逐單  
于渭城下歡呼  
齊拜屬車塵

八年春正月丁亥遣耶律努克

原作奴哥攷異卷十  
一聖宗統和四年黃

皮室詳衮另一人  
通鑑輯覽作訥格

等使金議和二月努克等還復書

能以兄事歲貢方物歸上京三路州縣以親王公主

爲質還行人及元給信符并宋夏高麗往反書詔表

牒則如約三月努克復往夏五月努克還以書來限

此月見報戊戌復往要以酌中之議金使胡圖克琨

遼史紀事本末

卷三十二

十

原作胡突哀攷異通  
鑑輯覽作呼塔噶  
與努克報如前約六月丁卯努

克賚宋夏高麗書詔表牒至金金遣胡圖克琨來祇

能以兄事冊用漢儀卽如約秋八月庚午努克托迪

原作如金議冊禮冬十月持金書來十二月甲申議

定冊禮是歲保安節度使張崇以雙州二百戶甯

昌節度使劉宏表攷異屬國以懿州戶三千皆降金通

祺雙遼地理志云通州安遠軍在扶餘國王城太祖

州地太祖於此建檀州後更名金史作棋雙州保安

軍本渤海安定郡太祖置州治雙城縣遼州見前

四州八百餘戶與蕭博和哩等十五人皆相繼降金

九年春正月金遣烏林達原作烏林答攷異通鑑輯覽作烏凌噶贊謨

持書來迎册三月丁未朔遣右伊勒希巴原作夷離畢蕭

質訥埒原作習泥烈等册金主爲東懷國皇帝不受仍遣

烏林達贊謨來册不如式九月至西京復遣質訥埒

楊立忠攷異屬國表作楊近忠先持册藁使金冬十月復遣使

持書還金

十年春二月金遣烏林達贊謨持書及册文副本來

并責乞兵於高麗三月庚申以册內所定大聖二字

與先世稱號同遣蕭質訥埒往議金主怒和議遂絕

攷異金史諾延溫都思忠傳本名伊里布阿卜薩水人太祖伐遼時未有文字軍事皆口授思忠傳達雖

往復數千言無少誤與遼議和約思忠思忠與贊謨專對  
遼人前後十三遣使和議終不成思忠思忠果官中書令  
封廣平郡王洪皓松漠紀聞云時天祚封阿骨打爲  
國王留其使邀請十事欲爲兄弟國及尙主天祚怒  
囚其使不報按十事徽號大聖大明一也國號大金  
二也王輅三也衮冕四也王刻御前之寶五也以兄  
弟通問六也生辰正旦遣使七也歲輸銀絹二十五  
萬兩匹南宋歲賜之半八也割遼東長春路九也送  
還女真阿骨產趙三大王十也北盟會編載遼册文  
曰朕對天地之闕休荷祖宗之不業九州四海屬在  
統臨一日萬幾敢忘重任宵衣爲事嗣服宅心眷惟  
肅慎之區實界扶餘之俗土濱巨浸財布中區雅有  
山川之名承其祖父之構碧雲裘野固須挺於渠材  
皓雪飛箱疇不推於絕駕封章屢報誠意交孚載念  
遙芬宜膺多猷是用遣蕭習泥烈等持節備禮策爲  
東懷國至聖至明皇帝鳴乎義敦友睦地列豐腴惟  
信可以待人惟誠可以馴物戒哉欽哉式孚於休使  
至阿骨打大怒鞭其使卻回之天祚紀謂責册文無  
兄事之語不言大金而使云東懷乃小邦懷其德之義  
及册文有渠材二字語涉輕侮若遙芬多猷等語皆

非善意財珥體  
式未言鞞使事  
夏五月金主親攻上京克外郭留守

民卜嘉原作撻  
率衆出降攷異方輿紀要云金陷上京延禧謀拒之至中京獵

於胡土白山金志云山在撫  
州境卽脉達噶山史未載

保大元年夏四月統軍耶律伊都原作余親率衆叛降金

二年春正月乙亥金師克中京地理志云中京本秦遼西郡地幅員千里

後內屬聖宗建爲中京號大定府領州十恩州懷德  
軍治恩化縣惠州惠和軍治惠和縣高州治三韓縣

武安州治沃野縣利州治阜俗縣榆州高平軍領縣  
二和衆永和潭州廣潤軍治龍山縣松江州勝安軍

治松江縣并澤州大安爲十州縣九大定長安富庶  
勸農文定升平歸化神水金源共九縣今喀喇沁右

翼南有故大寧城廢址卽中京也攷異北蕃地理志  
云中京大定府東爲營州界青山嶺百七十里西山

後儒州界東南至建州三百三十里西南至幽州九

百里其泊日軒車李燾長編云祥符初李搏等使遼  
至中京城壘卑小鮮居人宮中有武功殿國主居之  
文大甯殿國母居之又有東掖門祝穆輿地要覽  
云大甯路遼爲中京有瑋瑁山熊山契丹國志云本  
奚王牙帳所居東過小河唱叫王道北奚王避暑莊  
有亭臺由古北口至中京東北皆奚境西臨馬孟山六  
十里其山南北一千里東進下澤州廣濟軍本漢土  
西八百里連亘燕京西山居此開泰中置州屬中京縣  
二神地太祖俘蔚州民居喀喇沁右翼南古右北平郡  
金改二月金兵敗奚王哈瑪爾霞末於北安州志地理  
惠州二月金兵敗奚王哈瑪爾霞末於北安州志地理  
號興化軍本漢女祁縣地聖宗以漢戶置屬中京縣  
一利民本漢且居縣地今日興州故城在今熱河南  
喀喇河屯攷異北蕃地理志云州在中京西南二百  
五十里其墨斗嶺亦名度雲嶺唐置墨對軍使捍禦  
奚界漢河柳城在州西北五十里有牛山有會仙石  
蘇轍樂城集會仙館詩曰北嶂南屏恰四周西山微  
缺放溪流胡人置酒留連客頗識峯巒是勝遊嶺上  
西行雙石人臨溪照水久遠巡低頭似媿南來使居

處雖高已失身彭汝礪鄱陽集過墨斗嶺詩云有鳥  
羽毛非子規向人如道不如歸使輶不用君多勸未  
到歸心已似飛蘇頌過度雲嶺詩云磴道青冥外攀  
躋劇箭飛翔風增凜冽寒日減清輝使者手持節征  
人淚濕衣此時仁降其城三月辛酉帝聞金師將出  
傑意心向白雲歸

嶺西遂趨白水

在大同府北

羣牧使穆喇韓

原作謨魯幹

歸

金等聞金師將及輕騎遁殿前點檢耶律果巴

原作高八

率衛士降金夏四月金師取西京

地理志云西京本趙雲中郡元魏於

此建都邑唐改雲中州後為雲州後唐為大同軍晉

以代北地來獻因建西京府曰大同統州二縣七大

同雲中天成長青奉義懷仁懷安州二宏州領縣二

永寧順聖德州治宣德縣通鑑地通釋云雲州雲

中郡本馬邑郡雲內之懷安鎮武德元年置北恒州

貞觀十四年置定襄縣開元十八年更名雲中州天

寶元年曰雲中都升大同軍節度會昌三年置大同

都團練使治雲中乾符五年升大同都防禦使為節

度使為節

度使為節

度使為節

唐史紀事本末

卷三十二

三

三

三

三



度使鄴道元水經注云平城王莽之平順也魏天興二年遷都於此太和十六年造太極殿東西堂夾建象魏乾元中陽端門東西二掖門雲龍神虎中興元年汪承霽以觀閣按魏道武遷都平城魏書在天興元年汪承霽大府志云華嚴寺在府城含和坊遼建奉安諸帝石像銅像石麟山西通志云張起巖崇文堂記曰雲中在遼金爲陪京卽遼國子監宏做靜深冠他所潘自牧記纂淵海云周大同城戰國趙置雲中漢爲雁門郡平城地遼置大同縣金龍山在懷仁縣西南又縣東有海子深不可測孫體元大同縣志云方山在城北五十里有拓跋魏二陵及方山宮故基禪房山在城西南六十里有寺塔創自遼通典云雲中縣有高柳城參會陂李吉甫元和郡縣志云紇真山在縣東三十里虜語紇真漢言三十里其山夏積霜雪縣西北有單于臺漢武出長城塞登此有長青縣本白登臺地服虔云去平城七里如瀉云今平城東十七里有白登臺臺南卽白登山石麟山西通志又云府城外有劉鑾寺鑾遼人能塑諸佛像因以名寺乃其家佛堂也周質析津日記云京師像設之奇古者曰劉鑾塑說者疑鑾與元音

相近而誤考郝經陵川文集燕有四賢祠其像塑自  
劉鑾則鑾別是一人著名於正奉之先者也元史方  
伎傳劉元字秉元割之寶坻人四賢者郭隗樂毅荆  
辛鄒衍拱而侍側者則燕昭王也樂史太平寰宇記  
云德州有金河水在紫河鎮界內其泥色紫故名又  
有陰山道按冀州圖曰雲中周廻六十里北去陰山  
八十里南去通漠長城百里即白道皆小續綱目云金  
北即是陰山路道通方軌自外道皆小續綱目云金  
攻大同府遼取守忠救之為尼瑪哈等所敗六月夏  
其衆殲焉西京諸州縣皆降金所載較詳  
國遣兵來援為金人所敗李良輔將兵三萬救遼金  
婁宿幹魯敗之於宣水追至野谷澗水暴至夏人漂  
沒者不可勝計所載較詳續綱目宣水作宜水在榆  
林府東北邊外東都事畧云宣和中國天祚不聽金既滅遼  
事北邊遂與遼書約夾攻中國天祚不聽金既滅遼  
夏人乃與粘秋八月戊戌帝親遇金師戰於石輦  
罕約犯寨阿息保傳蕭圖烈傳均作石輦鐸續綱目  
驛同通鑑輯覽作錫訥圖方輿紀要云地在大同府  
遼史紀事本末

西北敗績九月奉聖州降金冬十月蔚州降金十二月金撫定南京

三年春正月遼興軍宜錦乾顯成川豪懿等州地理志云

宜州崇義軍興宗以定州俘戶置統縣二宏政聞義

錦州臨海軍本遼東無慮縣太祖置州統州一嚴州

保肅軍治興城縣縣二永樂安昌攷異薛延龍全遼

志云宜州即義州衛在遼陽城西四百二十里唐始

建城郭造卿永平府志云宜州有江南水軍號通吳

軍壘祝穆輿地要覽云離營州東行六十里至渝關

五百八十里至錦州林本裕遼載云奉國寺在義州

城內殿高七丈佛像稱是一名七佛寺於遼開泰

中又大廣濟寺在錦州城內唐末建有白塔十三層

高二百五十丈造於遼清寧間後降舍利藏之金高

璉有降金二月興中府遼置即霸州地理志云興

興中營邱象雷閭山四縣及安德州黔州興中本霸

城縣象雷以麥務川置閭山本漢且慮縣安德州為

化平軍黔州爲阜昌軍攷異趙一清水經注釋云營  
邱城在營州南慕容廆以宥州流人置營邱郡重熙  
初析霸州置營邱縣蓋因故郡爲名也潛研堂金石  
文跋尾云右安德州軍州叛建靈巖寺碑朝請大夫守殿  
中少監知安德州軍州事耶律助撰文沙門恒劬正  
書碑陰記則恒劬撰文而助篆書今在興中故城東  
南七十里柏山之巔字畫完好小篆尤工不減夢瑛  
黨懷英也北蕃地理志云興中府在中東三百里  
有松陁嶺本漢柳城縣地酈道元水經注云燕慕容  
皝以柳城縣北龍山南福地也使陽裕築龍城改柳城  
爲龍城縣十二年黑龍白龍見龍山號往觀祭以大  
牢立龍翔祠於山上號新宮曰和龍宮遷都焉卽此  
地卽對之隋圖經云鮮卑山在柳城縣東南崔鴻十  
六國春秋云慕容廆世居遼左號東胡爲匈奴所敗  
分保鮮卑山因名齊召南水道提綱云興中城俗稱  
古爾板蘇巴漢城遼金時三塔猶存紀昀姑妄聽之  
云三座塔蒙古名古爾板蘇巴爾漢唐之營州降金  
柳城縣遼之興中府也今爲喀喇沁右翼州  
歸德軍及隰遷閏三州地理志云歸德軍卽來州聖  
宗置治來賓縣隸州平海軍

遼置治海陽縣遷州興善軍本漢陽樂縣地遼置降

州治遷民縣閏州海陽軍治海濱縣俱屬來州刺史

金致異趙翼陔餘叢考云天祚紀載是時遷州刺史

此時又降金誤也宜從金史作高永福為是又紀載

歸德節度田灝隰州刺史杜師回閏州刺史張成皆

籍所管夏四月丙申金師至居庸關耶律達寶原作

戶降被擒金師圍輜重於青冢硬寨地理志云豐州有青

城內金以書來招回書請和金人以兵送族屬東行

乃遣兵邀戰於白水灤敗績金以書來議和五月回

金書乞為弟若子量賜土地

四年春正月金師來攻帝棄營北遁特默格原作特

叛降金夏五月金人以燕京地理志云燕京析津

府以燕分野作析木

之津故名攷異朱彝尊曰下舊聞云燕角樓在府西  
南十五里遼建今其地猶名燕角日下舊聞考云遼  
燕角樓今無攷惟土地廟之西其地猶有燕角兒之  
名隔讀如藁更攷明張樹五城坊巷衛衛集於白紙  
坊亦載有燕角兒正在廣甯門右安門內西南角是  
明一統志所載正指其地況遼時城址其半在今外  
城之西則今燕角之地適當其東遼時樓址或卽在  
是元一統志遼保夷中建殿九間窮極壯麗慈悲菴  
北院內有遼壽昌五年慈經大德師佛頂尊勝大慈  
陀羅尼幢并記竹林寺遼道宗八年楚國大長公主  
捨私第爲寺賜額竹林寺僧曰一塔無影真常觀南  
五六里爲蕭太后運糧河劉侗帝京景物畧云海子  
西北隅有數邱俗呼螞蟻墳云是遼將伐金全軍沒  
此吳長元宸垣識畧云大覺寺遼築義井精舍於開  
陽門之郭傍有古井清涼滑甘因名永平館一名碣  
石館遼時朝士宴集之所舊聞又云香山寺遼中丞  
阿里吉所捨殿前二碑載其始末碑石光潤如玉日  
爲鷲爪石孫承澤春明夢餘錄云平遼碑立燕都豐  
宜門外使臣韓昉撰文字虛中書舊有詩云十丈  
豐碑勢尙空風雲猶憶下遼東百年功業秦皇帝一

代文章太史公石斷雲麟秋兩後蒼封鼈背及薊景  
夕陽中行人立馬空惆悵禾黍離離滿故宮  
六州歸宋以塞盟攷異陳邦瞻宋史紀事本末云重  
高藥師浮海使金約夾攻遼宣和元年正月金主與  
粘沒喝議遣渤海李善慶女真散覲持國書并生金  
北珠等物同馬政來聘尋使軍校呼慶送善慶還二  
年二月遣趙良嗣使金八月金人來議攻遼及歲幣  
遣馬政報之如約夾攻歲幣同遼毋聽遼講和四年  
三月遣童貫蔡攸勒兵應金敗於白溝及范村种師  
道退保雄州七月復使劉延慶襲燕京爲蕭幹敗貫  
懼得罪密遣王環如金請夾攻金分兵三道克燕京  
五年正月貫遣趙良嗣如金求不晉賂契丹故地而  
不知營平灤三州非晉賂乃劉仁恭所獻以求援者  
至是王黼海欲并得之復遣良嗣往金祇許燕京及  
六州且議代稅錢一百萬緡帝曲意從之四月金使  
楊璞以誓書及地來歸所載甚詳張滙節要璞作樸  
周渾清波雜志云宣和五年既俞金人乞盟之請明  
年遣校書郎衛膚敏假給事中往賀生辰竣事而旋  
常璪外別贈使介各一玉錢戎主卽宴坐起離席躬

奉之左右傳觀皆驚愕太息錢之製如今之大者其  
文皆兵端豈虞我或覘其國故外示厚禮俾回測歟  
錢今藏衛氏繫年要錄作檀順勣景四州蓋承易二  
州係宋人自取也羅璧識遺云白石晉割關南十六  
州劉仁恭割營平灤三州賂契丹由縣北自定武達  
灤海千里失險歐史四夷附錄云契丹當莊宗明宗  
時攻陷營平二州唐亦無灤州劉仁恭并無割地遺  
契丹事王應麟困學紀聞云唐無灤州武經總要易  
定帥王都驅其民入契丹因以烏灤河為名以居之  
烏灤河宋史及通考均同惟史作烏灤河稍異地理  
志灤州永安軍本古黃洛城在永平府南四十里太  
祖以俘戶置灤州灤河環繞在盧龍山南為形勝之  
地營州本漢昌黎郡元魏立營州唐改柳城郡又為  
平盧軍後唐復今名太祖以居定州俘戶均非仁恭  
所賂也其說沿通考而誤方輿紀要云契丹以定州  
俘戶置廣甯縣兼置營州隣海軍後徙昌黎縣治此  
屬平州顧炎武京東考古錄云昌黎有五漢書遼西  
郡之縣八曰昌黎通鑑注昌黎漢交黎縣屬遼西郡  
慕容皝自昌黎東踐水而進凡三百里至厯林口是  
則渝水下流當海口此一昌黎也晉書記載慕容皝  
慕容皝慕容皝慕容皝慕容皝慕容皝慕容皝慕容皝



徙昌黎郡又云遷宇文歸五萬餘落於昌黎當去龍  
城不遠此又一昌黎也魏并柳城昌黎棘城於龍  
而立昌黎爲郡志云有堯祠榆頰城狼水卽燕之舊  
都龍城此又一昌黎也齊後昌黎之名廢至唐貞觀  
二年更崇州爲北黎州治營州之東北廢陽師鎮入  
年復爲崇州置昌黎縣後淪於奚遼史建州永康縣  
本唐昌黎縣地此又一昌黎也遼太祖所置營州其  
縣一曰廣寧金大定末改爲昌黎相沿至今在永平  
府城東南七十里此又一昌黎也郭造卿永平府志  
辨昌黎有二而不知有五論古者可以無惑焉又云  
晉書平州禹貢冀州域周爲幽州界漢屬古北平郡  
後漢末公孫度自號平州牧據遼東治肥如魏分遼  
東昌黎元菟帶方樂浪五郡爲平州後還合爲幽州  
咸寧二年十月分昌黎遼東元菟帶方樂浪等郡國  
五置平州治昌黎是則公孫度之平州乃遼東而咸  
寧所置之平州乃遼西之柳城卽昌黎也遼史於平  
州遼興軍下云漢末公孫度據傳子康孫淵是誤以  
拓跋氏之平州爲公孫度之平州矣又厲鶚云遼史  
旣載慕容皝柳城於中京興中府之下則平州所屬  
之營州柳城自屬唐時僑置之名何得復以和龍之

地混之乎明一統志及永州府志俱沿遼史之誤樂  
史太平寰宇記云黃洛城殷諸侯之國有卑耳溪管  
仲從齊桓公伐孤竹至卑耳溪見登山之神名俞兒  
卽此陳士元灤志云華嚴寺在城西五十里遼壽昌  
年建卑家寺在城西南七十里乾統年建偏涼亭秋  
在城東北五里橫山頭灤河西岸遼乾統元年建

八月蕭托卜嘉

原作捷

察刺降金九月建州

地理志云建州

保靜軍唐爲昌樂縣太祖置州統縣二

降金冬十月興中府降金

五年春正月黨項小呼嚕

原作斛祿攷異畢沅續通鑑作舒和倫通鑑輯覽作

沙呼請帝臨其地金兵忽至徒步出走至應州新城

爲金將所獲

遼史紀事本末卷三十二

遼史紀事本末卷三十三

賜封資政大夫 特賞內閣中書前江西峽江訓導萍鄉李有棠編纂

天祚播遷

道宗壽隆七年

是年二月後改元乾統

春正月甲戌道宗崩皇

太孫卽位是爲天祚皇帝諱延禧小字阿果

攷異畢沅續通

鑑作父順宗卽昭懷太子也母貞順蕭后生六歲封

梁王

攷異畢沅續通鑑云初伊遜既害太子因爲主言皇弟宋魏國王和驛驍子濇可爲儲嗣羣臣

莫敢

言蕭烏納及蕭托輝諫曰舍嫡不立是以國與人

也主猶豫不決久之乃出濇於外封延禧爲梁王

續通考云道宗以太子爲盜所害太康六年設旗鼓

搜刺六人護衛太孫延禧十年三月命知制誥王師

儒牌印卽耶律固傳導燕國王延禧壽隆六年十

二月詔延禧擬注大將軍以下官又契丹國志初封

齊王由齊王卽位與史異按託輝一作陶海舊作陶  
隗字烏庫哩舊作鳥古隣宰相轄達六世孫後因言  
阿蘇不可相爲所陷免官起塔布城進燕國王尙書  
節度卒阿蘇湖州語網也舊作阿速進燕國王尙書  
今大元帝吳道宗喜作字秦越大長公主捨棠陰  
京舊城墜池爲大昊天寺帝爲書碑及額今在燕  
辨正太帝亦能書嘗奉道宗敕寫尙書五子之歌見  
陶宗儀書史會要續通考云大定二十四年二月大  
長公主降錢三百萬建昊天寺給田百頃每歲度僧  
尼十人局資析津日記云昊天寺碑記無一存者惟  
有萬曆間山陰朱敬循一碑塔址爲民侵伐寺門一  
井泉特清冽不下天壇夾道水也日下舊聞考云寺  
故基在西便門大街西道宗碑額外尙有乾文閣待  
制孟初碑見元一統志又王惲秋澗集有登昊天寺  
寶巖塔詩云高標直上跨蒼穹物外方知象教雄九  
陌市聲開曉色兩都喬木動秋風遙憐汗馬屯湖渚  
安得長書附去鴻寂歷村墟野烟外誰家簾幔夕陽  
紅至是嗣立二月壬辰朔改元乾統大赦詔爲耶律

伊遜

原作乙辛

所誣陷者復其官爵籍沒者出之流放者

還之乙巳以北府宰相蕭兀納

一作鳥納即托卜嘉字特默舊作特免詳

上為遼興節度使加守太傅

攷異畢沅續通鑑云主惡直言心曠鳥納殿直

達爾旺哈知之誣其私借內府犀角命鞠之不伏奪

官降寧邊州刺史自是廷臣益務柔佞范仲熊北記

云天祚身長六尺善騎射即位後拒諫飾非窮奢極

侈盤於遊畋信用讒諂紀綱廢弛人情怨怒洪邁夷

堅志云孫傳家藏寶劍絕異夜置庭中暗處則星象

燦列其上統制趙嚴自北來為予弟景裴言頃天祚

在位日有星隕於燕徹禁廷既入土猶熒熒然召太

史占之對曰其下必有異掘之深入七八尺得鐵鎖

一塊重百餘斤命付入作司鑄為十劍喚一死囚被

以厚甲三重舉劍斫其腰并三甲皆斷其堅利若是

嘗以一與駟馬都尉孫君蓋得此云續松漠紀聞云

契丹重骨咄犀犀不大萬株犀無一不曾作帶紋如

象牙帶黃色止是作刀把已為無價天祚以此作兔

鶻押垂頭者中國謂之腰條皮周密雲煙過眼錄云

唐史已詳下

卷三十三

二

伯幾曰骨柁犀乃蛇角也其性至毒而能解毒葉森  
於延祐庚申得骨柁犀刀欄二來看其花紋如今市  
中所賣糖糕或有白點以手摩之作巖桂香若摩之  
無香者偽物也劉郁西使記云骨篤犀大蛇之角也  
解毒諸毒慎懋官華夷鳥獸考云骨咄犀蛇角也一曰  
鹽毒犀唐書有古都國必其所產今人謬作骨柁耳  
遼史作  
捐拙犀三月丁卯詔以張孝傑家屬分賜羣臣召僧

法順放戒於內庭夏六月壬寅以宋魏國王和囉嚩

原作和魯幹為天下兵馬大元帥進封其子瀉為鄭王丁

未北院樞密使耶律阿蘇原作阿思加裕悅原作于越是冬

十二月己巳詔先朝已行事不得陳訴攷異畢沅續通鑑云時方

治伊遜黨其黨多賂權貴求寬免主不悟而下此詔所載較詳

天祚帝乾統二年夏四月辛亥詔誅伊遜黨徙其子

孫於邊戮伊遜特爾特原作得裏特屍以其家屬分賜被

殺者之家攷異畢沅續通鑑云此外尚有張孝傑蕭

森黨罪蕭德勣仇選人望與蕭報恩究其馬人望傳天祚

嗣位將報父仇以處多所全活改上京副留守人望字儼叔咸雍中

第進士歷州縣仕至南院樞密使兼侍中有操守人

不敢干以私卒諡文獻時耶律都勒幹字伊實揚季

父房後官南府宰相所至有聲吏民畏愛王棠涿州

新城人擢進士鄉貢禮部廷試皆第一歷樞密副南府

宰相練達朝政皆見能吏傳棠有集行世續通考云

楊哲安次人太平中擢進士乙科清寧中知南樞密

封趙王實景庸中京人清寧中第進士累官知樞密

事監修國史封陳國公馬績良鄉人太平中進士及

第官南樞密使封趙王均見本傳金史左企弓傳字

君財劄人第進士遷來州判官蕭英弼賊昭懷太子

窮治黨與多連引企弓辨析其冤免者甚衆史亦未

載冬十月乙卯蕭哈里原作海叛劫乾州武庫器甲命

意史記事本末卷三十三三



赫嘉努

原作郝家奴

捕之哈里亡入阿克展

原作阿典

部赫嘉

努坐免官十一月壬寅以生日爲天興節

攷異元一統志云遼

乾統二年沙門了鍊作崇孝寺碑銘謂析津府都總管之公署左有佛寺殿名崇孝按幽州土地記則有唐初軍置而里俗相沿則謂德宗貞元五年幽師彭城太師劉莊武公濟捨宅爲寺以前殿梁板及後殿左幢文考之良是

三年春正月辛巳朔帝如混同江女直酋哈里首來

獻賜予加等

攷異契丹國志云哈里星奔女直命圖之數月獨斬其首獻餘悉留不遣是年正

月彗出西方其長竟天畢沅續通鑑云時蕭哈嚕言

於主請修邊備北樞密使阿蘇力阻之時議其以金

賣國云紀均未載周箕析津日記云慈仁寺亦呼報

國寺蓋先有報國寺在寺之西北隅也今僧院中尙

存遼乾統三年尊勝陀羅尼石幢國朝一統志云

慈仁寺在廣寧門內本遼金時報國寺明憲宗爲孝

肅周太后弟吉祥建俗仍呼報國寺有二松相傳金  
時舊植後有毘盧閣左有松樓李日華六研齋筆記  
云報國寺古松二株在佛殿前低枝曲幹偃罩九十  
餘步望之如青鳳展翅處其下如山間松棚六月消  
夏尤所宜也百川書志云音韻直指玉鑰匙門法一  
卷大慈仁寺沙門清泉真空中編凡二十門周仲士懷  
柔縣志云雲巖寺在栲栳山向有道院遼乾統中華  
嚴祖師居此有沙門圓揆塔記祖師父琛玉田李氏  
子幼喪母事繼母以孝聞長辭家訪道得清虛修煉  
之術父訪令還家更習儒業通文史壽昌五年試中  
甲薦名上不赴遂為僧乾統初於栲栳磚立小院受  
法者二百餘人後染末疾入定如眠有紅光發於頂  
而照滿一室今塔尙存又延洪寺統和六年三月聖  
宗嘗幸之析津志云在崇智門內時稱為甲剎至元  
將存見圖經志書又上林彙考云永清縣城西有隆  
慶寺地名父口村殿前香爐石基遼乾統年所立又  
金鵲廟在縣南三里廟祀關侯  
草中有遼大安年所立石幢

六年冬十一月戊戌以和囉噶爲義和仁聖皇太叔

封皇子額魯溫

原作敖盧幹

為晉王實訥瑋

原作習泥烈

為饒

樂郡王

攷異畢沅續通鑑云封趙王

天慶二年春二月丁酉帝如春州

攷見上卷

幸混同江釣

魚命女直阿固達

原作阿骨打

起舞辭欲殺之不果其弟

武奇邁

原作吳乞買

尼雅滿

原作粘罕

瑚實

原作胡舍

等嘗從獵能

呼鹿刺虎搏熊帝喜輒加官爵秋七月阿固達稱兵

先併旁近部族

攷異潛研堂金石文跋尾云右釋迦定光二佛的身舍弟塔記在重熙鐵

塔記之旁天慶二年鑄鐵塔事以重熙為重和初疑其誦敘重熙十五年

誤後讀陸游老學菴筆記乃知攷熙為和蓋避天祚嫌名碑文刻於當時果無誤也遼史亦未及之

三年夏閏四月李洪以左道惑眾作亂伏誅

冬十

一月甲午以三司使虞融知南院樞密使事西南招

討使蕭樂古爲南府宰相

攷異興宗紀景福元年橫帳郎君樂古另一人

四年秋七月詔發渾河北諸軍防女直女直遂集諸

部兵攻寧江州統軍司以聞時上在慶州射鹿畧不

介意遣海州

志今奉天府海州衛在遼陽城南一百二十里

唐置澄州遼爲海州南海軍方輿紀要云今海州衛

城亦曰卑沙城高麗所築幅員九里或訛爲卑奢城

自登萊海道趨高麗之平壤必先出此隋大業十年

來護兒出海道至卑奢城敗高麗兵將趨平壤高麗

懼請降唐貞觀十八年伐高麗張亮自東萊渡海襲

卑沙城攻拔之總章初李世勣復得其地後復於渤

海置南京南海府兼置沃州領縣六遼改置臨溟縣

爲州治又耀州本渤海州治巖淵縣瀋州柔遠軍

本渤海州見地理志

刺史高仙壽統渤海軍應援蕭托

卜嘉與戰於甯江東敗績攻異薛應旂通鑑云十月朔甯江陷遼防禦使大藥

師奴被獲阿骨打縱之使招諭遼人遂引軍還所載較詳冬十月壬寅命東北路

都統蕭嗣先偕靜江節度使蕭托卜嘉等往討女直

女直來襲軍潰崔公義等死之其兄奉先懼其弟獲

罪奏赦潰軍不誅士益無鬪志十一月壬辰都統蕭

敵里等敗於沃稜濼原作幹免官辛丑以西北招討

使耶律幹里朶為行軍都統副點檢蕭伊實原作乙

伊錫字圖敏國同知北南院樞密使事耶律章努原作

男少父房後章奴副之攻異契丹國志云時番漢軍分出四路耶律

府路耿欽副之蕭格咸州路蕭吉副之耶律甯黃龍谷路張維協副之獨疎流河路深入交鋒稍却幹里

朵誤聽漢軍已遁卽棄營走大金國志云幹里朵既奔漢軍尙餘三萬衆推武朝彥爲都統復戰大敗餘

三路各退保其城悉被攻陷紀載各異十二月咸賓祥三州叛伊實往

援賓州諸將實喇原作實婁圖烈原作特烈卷一百十四有傳又卷二十九保大

三年突烈爲衆所殺與傳合係一人往援咸州並爲女直所敗

五年春正月帝下詔親征遣僧嘉努原作僧家奴如金議

和都統幹里朵戰敗於達里庫原作達魯古城二月饒

州渤海古欲致異畢沉續通鑑作摩哩等反自稱大王以蕭色佛

呼原作謝佛留討之大敗命南面副部署蕭托斯和原作陶蘇

幹爲都統赴之五月及古欲戰敗績六月丙辰招古

欲等獲之致異托斯和擒其渠魁斬首數千級得所三萬托斯和擒其渠魁斬首數千級得所

掠悉還其主兵未嘗敗與紀異字伊實揚正秋七月直爲阿蘇所忌沮不用後召知南樞密院事

幹里朶與金兵戰敗於白馬深免官八月命蕭奉先

爲御營都統率諸將分道進兵帝親征尼雅滿等以

書來欲求戰帝大怒下詔有女直作過大軍翦除之

語攷異薛應旂通鑑云主率蕃漢兵十餘萬出長春路命蕭奉先偕章努等以精兵二萬爲先鋒餘分

五部北出駱駝口別以兵三萬出寧江州駱駝山口

在今札賚特西北北邊紀事云長春州亦曰長春路

通鑑輯覽奉先作呼都克原作胡篤金主務面慟哭曰始與汝等起兵

蓋苦契丹殘忍欲自立國今主上親征奈何非人人

死戰莫能當也不如殺我一族汝等迎降轉禍爲福

諸軍皆曰事已至此惟命是從 乙巳章努反奔上

京

攷異章努傳攻上京北走降虜上按降虜上文美

見陳浩遼史攷證

地理志上京道有降聖州或係刊刻之訛謀立魏國王渚遣蕭諦里說王王不從斬

其首以獻已而章努率兵掠慶曉懷祖等州爲文告

太祖廟移檄州縣衆至數萬犯行宮順國女直阿古

齊

原作阿鵲產又作阿果展

擊敗之章努詐爲使者欲奔金爲邏

者所獲縛送行在伏誅 冬十一月遣駙馬蕭特默

原作特末

林牙蕭察喇等將騎兵五萬步卒四十萬親軍

七十萬至馳門

攷異金史作圖門通鑑輯覽作圖敏

十二月乙巳耶律

章嘉努

原作張家奴

叛戊申親戰於科卜多

原作護步答攷異金史作

呼岱巴畢沅續通鑑作呼卜圖

通鑑

攷異宏簡錄云十一

西岡敗績



月命蕭特末等率兵至馳門十二月戰於護步答岡  
敗績蓋與金戰也又載耶律張家奴叛以耶律馬哥  
致討績綱目云十二月遼主自將至馳門號七十萬  
金主牒知因章努反西還已二日遂迫及於護步答  
岡大敗之遼軍潰遁枕藉百餘里所獲軍資無算契  
丹國志云八月天祚親征一夕軍中戈戟有光馬皆  
嘶鳴咸謂不祥宰相張琳謂為唐莊宗滅梁之兆帝  
喜甚十一月與金兵遇戰敗大潰帝一日夜走五百  
里退保長春女真遂乘勝并渤海己未錦州刺史耶律  
海遼陽等五十四州均與史異  
珠展原作尤者攷異汪輝祖遼史同名錄云卷二十  
清寧九年以叛誅咸雍二年北府宰相卷二十二道宗  
祚保大四年北護誅咸雍二年北府宰相卷二十九天  
氏夫卷一百十三德時傳大同時相州偏將叛應之  
七人同名尤者畢沅續通鑑作珠澤又異  
命耶律瑪格原作往討瀋及聞章努自鴨子河亡去  
即往會遂為游兵執送行在上問故對曰天下大亂  
已非遙有不忍見天皇帝艱難之業一旦土崩故有

此舉後復問厲聲數上過及社稷危亡之本是歲阿  
遂殺之據此則應章奴非應章嘉努更異

固達稱帝國號金

六年春二月戊辰侍御司徒托卜嘉原作捷討章嘉

努戰於祖州敗績乙酉遣都部署蕭特默原作特末率諸

將進討戊子章嘉努誘饒州渤海及中京賊侯槃等

萬餘人攻陷高州地理志云高州開泰中伐高麗以

韓為新羅馬韓為高麗聖宗三月東面行軍副統蕭

俘三國之遺人置縣屬中京綽哈原作酬幹等擒侯槃於川州攷

綽哈天慶六年族人同名酬幹副統軍討平饒州渤海擊散侯槃未幾東京陷綽哈

戰沒贈龍虎衛上將軍紀未載潛研堂金石文跋尾

遼史紀事本末卷三十三八

遼白川州地也城中有遼石幢記首云奉爲神贊天  
輔皇帝齊天彰德皇后萬歲親王公主千秋文武百  
僚恒居祿位風調雨順海晏河清一切有情同霑利  
此云神贊天輔皇帝則石幢之立當在開泰以後矣  
遼史仁德皇后傳統和十九年冊爲齊天皇后本紀  
亦同自後別無加上尊號之史文闕畧當據此以  
補之但不知在何年耳又云親王者大丞相晉國王  
耶律隆運也記文爲長寧節度掌書記儒林郎試大  
理評事武騎尉王桂撰後有長寧軍節度管內觀察  
處置等使金紫崇祿大夫檢校太傅使持節白川  
諸軍事白川州刺史兼御史大夫上柱國丁巳下  
關疑書石人名也遼史兼御史大夫志川州明王安  
同三年詔爲白川州安端地理志川州明王安端置  
白川州不知省於何年金史則云天祿五年去白字  
今此幢立於聖宗時猶云白川州可見金史攷之未  
審也左方列衛可辨識者有銀青崇祿大夫兼監  
御史武騎尉同監麴務都點王元泰銀青崇祿大  
兼監察御史武騎尉同監麴務都點王元泰銀青崇  
判官兼知商務事翟可行銀青崇祿大夫檢校工部

尙書兼御史大夫上柱國程辰儒林郎試大理評事  
守白川州咸康縣令武騎尉王銀青崇祿大夫檢  
校左散騎常侍兼殿中侍御史驍騎尉江濤觀察判  
官儒林郎試大理司直雲騎尉賜緋魚袋田能成管  
內觀察處置等使金紫崇祿大夫檢校太傅使持節  
白川州諸軍事白川州刺史兼御史大夫上柱國鉅  
鹿縣開國子食邑五百戶耿延諸人於史無所表  
見惟聖宗紀有昭德軍節度使耿延毅其爲一人與  
否惜石文斷裂無從知之矣遼史志百官於南面尤  
畧此所載結銜有散官有檢校官有憲官有試秩有  
勳有爵有賜有食邑皆史所未詳至商稅麴務都監  
同監麴務判官之設百官食貨兩志均遺之所  
宜特書以補正  
夏四月戊辰親征章嘉努誅之及其  
史之闕漏也

叛黨饒州渤海平

攷異阿息保傳是年從阿蘇討章

東阿息保送至軍乃還帝怒鞭三百後阿蘇反阿息  
保被擒因有舊得免時阿蘇好殺勸曰欲舉大事何  
以殺爲全活甚衆會阿蘇敗乃還紀均未載且章努  
疑是章嘉努之誤阿蘇原作阿疏乾統初北樞密阿

疑蘇原作阿思

是年東京高永昌叛張琳討之不克

金人攷陷東京擒永昌

攷異契丹國志云舊例漢人

疑奉先不知兵遂召宰相張琳吳庸付以東征事計

戶出軍兵分四路為女真敗及東京潰陷坐謫官乃

授瀋為都元帥蕭德恭副之按天祚紀時為副元帥

者係上京留守契丹行宮都部署蕭托卜嘉原作撻

不也所

載各異

七年春二月涑水縣

地理志本漢道縣今縣北一里

卽今縣周大象末改今名在易州東四十里有涑水

桑欽水經云拒馬河出代郡廣昌縣涑山酈道元注

云卽涑

水也賊董龐兒聚眾作亂西京留守蕭伊實

原作乙薛

等破之於易水西其黨復聚戰於奉聖州大敗之

攷異

北盟會編云蔡京招董龐兒降許王燕地因上表自  
號扶宋破虜大將軍董才後兵敗入雲應武朔斬牛

欄監軍函其首來獻賜姓名趙詡乞遣兵爲援取中  
國故地京大喜鄧洵武諫議爲之緩政和七年知岢  
嵐軍解潛招之并其黨以聞上召見陳契丹可取狀  
甚切至宣和初竟出師矣繫年要錄云政和七年春  
陶悅使遼歸具言敵未可圖會洵武亦言事得暫止  
陶悅奉使錄亦云貫北伐前軍發悅歸奏事未可圖  
乃寢後因贈秘閣修撰契丹國志趙詡作趙翊周輝  
清波雜志云陳公輔南渡初兩爲諫官嘗記高棟之  
言曰棟嘗事蔡京言童貫欲謀取燕山度大臣無可  
議京方閒居錢唐會副鄭允中使遼以珍異獻遼主  
果大喜置酒密室獨召貫與飲因撰密室錄歸奏具  
議遼主盛道京德望得復相貫以所謀白京未敢許  
及廷議王黼先奏贊成之王安中亦願書名議遂決  
故貫黼首被誅戮惟安中得全腰領議者怪焉余觀  
安中居燕山二年父事藥師脫身歸備知反狀無一  
語猶推譽之希再用罪無與比而京與鄭允中余深  
六七大臣皆深知不可不力爭豈不真負國家哉按  
棟爲是說意似尤京然首建平燕議招納李良嗣良  
嗣乃上北夷錄平夷書其誰主之黼晚乃推行京意  
朋姦誤國如此時有謠語打破筒撥乃某便是人間

好世界可見人心也朱翌荷覺察雜記云予在史館  
修真宗實錄雄州言契丹移遼陽城言征高麗且涉  
女真境女真衆雖少契丹必不能勝仍畫圖以獻又  
云遼俗旣葬必守墳或云國主欲守其母墳聲言征  
高麗駐遼陽城也上以問王旦對曰當顧其大者契  
丹方固盟好高麗貢奉累歲不至上曰然可諭登州  
侍其旭如高麗有使來乞師卽語以累年貢奉不入  
不敢聞於朝如有歸投者第存撫之亦勿以聞宣和  
間女真遣使海上結約政遼時未聞有以此事奏上  
者張端義貴耳集云宣和初高麗求醫帝遣二良醫  
往歲餘方歸奏曰王館醫甚勤謂曰高麗小國世受  
國恩不敢忘聞天子用兵遼實兄弟國存之猶足捍  
邊女真乃虎狼不可交也願回告天子早爲備方與  
紀要云牛欄山名在順義縣北二十里自順州至檀  
州漸入山牛欄是其要地見王曾上契丹事高士奇  
塞北小鈔云牛欄山相傳有中峯洞內金牛時常  
出見然山不甚高遠望之僅蜿蜒一邱耳遼置牛欄  
都統領司見百官志顧炎武昌平山水記云洞前石  
壁有飲牛池昔有仙人騎牛來游因名靈蹟山山東  
麓潮白二河合焉有龍王廟山東南爲漕河營有城

亦名山川志伊實以功擢北府宰相加左僕射本傳

寬猛金兵至軍潰後討平董廳兒歷東北統軍使政兼

叛伊實被執得釋後為達實所殺攷異天祚朝為北

魏王相伊實外尚有蕭常哥蕭德恭而南府宰相則

夏五月庚寅東北面行軍將聶嘒原作赫嘒合魯尼

格原作涅哥攷異卷十八興宗重錫庫虛古等棄市

秋九月帝自燕至陰涼河方與紀要云在大甯衛

潢府南合於潢河在置淵原作軍八營凡二萬八千

餘人屯衛州攷異當作渭州遼置廢地在今錦州府

過衛州有居人三千餘家蓋遼所虜中國衛州人築

遼史紀事本末卷三十三 上



長公主置係頭下軍州蒺藜山在寧遠州邊外攷異薛應旂通鑑云以渤海鎮州郭藥師等為

帥紀未載冬十二月丙寅都元帥渚敗於蒺藜山顯州

及旁近州郡悉陷攷異汪藻謀夏錄謂蒺藜山之敗係天慶八年事與史異

八年春正月東路諸州盜賊蜂起掠民以充食夏五

月安生兒張高兒聚眾二十萬作亂耶律瑪格原作馬哥

等討之斬生兒於龍化州高兒亡入懿州與霍六格

原作霍六哥攷異畢沅續通合陷海北州地理志廣鑑作霍石後降金以為千戶

以俘戶置在閭山西南海之北趣義州軍帥和勒博

初隸宣州後屬乾州縣一開義原作回是歲山前諸路大饑民相食斗

粟直數緡攷異續通考云八年六月射柳祈雨時蕭文知易州大旱百姓憂甚為文禱之輒雨

先是壽隆四年七月南京蝗文知易州屬縣議捕除  
之文曰蝗乃天災捕之何益但反躬自責蝗盡飛去  
遺者亦不食苗等為烏鵲所食字國華外戚之賢者  
父直善安州防禦使文終唐古部節度高陽勒石頌  
之見本傳

九年春二月張薩巴原作撒入作亂誘中京射糧軍偕號

南面軍帥伊都原作余親討擒之冬十月甲戌朔耶律辰

圖努原作陳圖奴攷異畢沅續通等二十餘人謀反

伏誅攷異契丹國志云契丹屢年困於用兵應諸州

身諸蕃部富人進軍獻馬人獻錢三千貫特補進士出

王言令中京燕雲平三路諸色人收養遼東饑民候

至年等第推恩官爵之

大元元年春正月樞密使蕭奉先使人誣告駙馬蕭

昱等謀立晉王殺昱等伊都率衆叛入金

攷異洪皓松漢紀聞

云余都姑以十萬降遼軍大震天祥怒國人叛己命漢兒遇契丹人則殺之初遼制契丹人殺漢兒者皆不加刑至是見者必死國中駭亂皆莫爲用史未載

二年春正月乙亥金克中京遂下澤州帝出居庸關

至鴛鴦渚

攷異方輿紀要云在雲州堡西北百餘里周八十里今赤城縣西北孫世芳宣府鎮

志云自遼金爲飛放之所蘇頌魏公集云北人以百

騎飛放請之羅草終日獲兔數枚有媿色謂余曰道

次小圍不足觀常時千人以上爲大圍則所獲甚多

其衆無涯也汪藻謀夏錄云契丹馬三萬餘匹歲牧

於雄霸滄州兩界之間謂之南征馬意欲誇示中國

實備燕雲緩急之用范鎮東齋紀事云契丹牛馬有

熟時一如南朝養蚕也有雪而露出草一寸許此時

牛馬大熟若無雪或雪沒草則不熟食貨志云太祖

烏領爾奇木羣牧蕃息上下給足及卽位伐河東下

長城郡縣獲牛羊駝馬十餘萬色珍討女直復獲馬

二十餘萬分牧水草便地所增無數咸雍五年蕭托  
輝爲馬羣太保奏稱羣牧名存實亡上下相欺宜括  
實數以爲定籍厥後東丹國歲貢千匹女直萬匹西  
不古等國萬匹準布及武都溫特哩袞各二萬匹西  
夏室韋各三百匹伊瑀圖博和哩鄂羅木富珠里鐵  
驪等諸部三百匹仍禁朔州路羊馬入宋托歡黨項  
馬鬻於夏以故羣牧滋蕃數至百有餘萬諸司牧官  
以次進階天祚初牛馬猶有數萬羣每羣不下千匹  
祖宗舊制常選南征馬數萬匹牧於雄霸清滄間以  
備燕雲緩急復選數萬給四時遊畋餘則分地以牧  
法至善也至末年累與金戰番漢戰馬損十六七雖  
增價數倍竟無所買乃冒法買官馬從軍諸羣牧私  
賣日多畋獵亦不足用遂爲金滅松  
漠以北舊馬又皆爲達實所得矣  
索原作貝勒珠展李莖妻蕭氏父同名李莖聞伊都引金羅  
用蕭奉先言賜晉王死由是人心解體伊都引金兵  
逼行宮帝率衛兵五千餘騎幸雲中遺傳國璽於桑

遼史紀事本末

卷三十三

三

乾河攻異畢沅續通鑑云金史本紀及宗望傳宗望擊敗遼主獲其子趙王及傳國璽獻於行在按

遼史戰於白水遼趙王被執在保大三年即金天輔五年而遺傳國璽於桑乾河在保大元年即天輔五

年是宗望所獲者非即桑乾河所遺者也二史互異今從天祚紀載在保大二

辛酉帝聞金兵將出嶺西遂趨白水瀼行至努克特

原作女倉聞金兵迫計不知所出乘輕騎入夾山異

古底方輿紀要云在古雲內州北六十里張欽大同志云在朔州城北三百四十里繫年要錄云在沙漠北有

泥潦六十里惟契丹能達他國不責蕭奉先不忠并

能至金人每以爲恨所載較詳

其子逐之尋並賜死逐北院樞密使蕭塔喇台原作

底召托卜嘉典禁衛以蕭僧孝努知北院樞密使事

攷異契丹國志云天祚謫奉先西南招討擢用耶律

大悲奴爲北樞密使蕭查刺同知密院間有軍國大

事與南面宰執吳庸馬人望柴誼等參議皆昏謬不能裁決諺曰五箇翁翁四百歲南面北面頓磕睡自己精神昏不得有甚心情殺女直遠近傳爲笑端及入夾山金兵至雲中留守蕭查刺降金主自將追天祚幾及應行宮內庫三局珍寶祖宗二百餘年所積刼掠一空雲中兵變查刺復拒守金兵還攻破之執馬權韓執謙等破朔應諸州所載較詳元好問續夷堅志云雲中初降復叛金人怒其反覆破城後驅壯士至榆坡盡殺之中有喉絲不斷者枕藉積尸中復甦夜見吏卒至呼姓名皆應獨不呼此人後竟平復至七十餘病終又曹氏小兒被驅羣兒皆擊死至曹忽二犬突出觸軍士仆地軍士怒逐犬入人家曹氏兒散走忽有執黃旗者大呼禁殺掠兒因得免後仕至節度史未載諸局百工多亡凡扈從者無論人民皆官之是月秦晉王瀛自立於南京據燕營平及上京遼西六路祇存沙漠以北西南西北兩招討諸蕃部族而已夏四月辛卯西南

招討使耶律佛騰原作佛頂叛降金雲內寧邊東勝等州

地理志云雲內州為開遠軍有古哈屯城大同州天

安軍永濟棚安樂戍統縣二柔服甯人甯邊州屬天

德軍東勝州統縣二榆林河濱攷異唐書地理志榆

林縣有隋故榆林宮東有榆林關貞觀十二年置又

通考河濱縣漢河南縣地唐置東臨河為名汪承

爵大府志云雲內州本秦漢九原縣地唐貞觀中

立雲中都督府後置橫塞軍遼置雲內州西受降城

去中受降城百餘里古豐州西北八十里許爾忠朔

州志云居延川在州北廢雲內州一名居延澤蘇武

嘗因於此旁有居延城與地廣記云新城北三百里

有鵲鵲泉石麟山西通志云李陵臺在古雲內州臺

高二丈餘唐置雲中都護府有燕然山山有李陵臺

陵嘗登以望漢其近有拂雲堆堆上有祠潘自牧記

纂淵海云君子津在古東勝州界漢時有大賈賈金

行至死此死河濱廢縣之後其子至悉以金付之因名明

一統志云河濱廢縣在大同府城西五百餘里隋榆

林縣地唐析置此縣屬勝州縣東北有河濱關後廢

遠復置屬東勝州方輿紀要云雲內州本中受降城

地在大同府西北五百餘里寧邊州在朔州西號鎮西軍即唐隆鎮東勝州在大同府西五百里亦曰武

興軍即唐榆林郡紀載各異等州皆降阿蘇原作阿疎為金師所擒攷

畢沉續通鑑云初起兵以阿蘇故既獲乃杖而釋之或問之答曰我破遼鬼也所載較詳金已取

西京沙漠以南部族悉降帝遂遁於額蘇掄原作訖莎烈攷

異國語作鄂索勒地名時北部瑪克實原作謨葛失又作瑪克錫驢馬馳食

羊五月甲戌都統瑪格收集散亡會於額勒錦原作渥里

謹擢知北院樞密使事六月瑪克實以兵來援敗

於鴻和原作洪灰水其子托果原作陀古及其屬阿敦原作阿敵音

均被擒秋七月乙丑上京茂巴克實原作八十率二

千戶降金八月戊戌親遇金軍戰於石輦驛攷詳敗



績都統蕭特默

原作特末

及其姪薩古

原作撒古

被執

攻異趙良嗣燕

雲奉使錄云八月十二日戰於狗泊之地生擒契丹都統駙馬蕭規天祚引數騎脫身遁所載稍異辛

丑會軍於歡塔察拉

原作歡捷新查刺

金兵追急棄輜重以

遁攻異薛應旂通鑑云金主聞天祚在大漁濛自將親兵襲之追及於石輦驛幹離不力戰短兵接遠

兵圍之數重蕭特烈等殊死戰天祚與妃嬪登高阜縱觀余觀指示麾蓋與諸將馳赴之天祚驚遁追至

烏里真鐸一作謁勒錐圖大漁濛亦曰魚兒濛在古興和城卽燕州故城在今張家口外開平衛西四百

餘里去宣府三百餘里今爲柔遠鎮見方輿紀要冬十一月乙丑聞金兵至

奉聖州遂率衛兵屯於塔克塞

原作落昆髓

十二月金定

西京帝由薩里

原作掃里

關出居四部族詳袞之家

攻異阿息

保傳是歲魏王僭號屢招以書阿息保封書獻因諫日東兵甚銳未可輕敵及石輦驛之敗帝遁召阿息

保不時至疑有貳心并怒爲洹所招殺之阿息保知  
國將亡前後諫甚切及死非其罪人尤惜之紀未載  
攷異刑法志云自太康間伊遜用事殺戮無辜上下  
無復紀律乾統改元始竊治姦黨而耶律托卜嘉蕭  
達囉克等黨人之尤凶狡者皆以略免至於覆軍失  
城者第免官而已行營將軍耶律聶垓等三人有禁  
地射鹿之罪皆棄市其職官諸局人有過者鐫降決  
斷之外悉從軍賞罰無章叛亡接踵乃務總以嚴酷  
由是投崖砲擲釘割鬻殺之刑復興焉或有分尸五  
京取心以獻祖廟雖曰天祚救患無策流爲殘忍亦  
由祖宗有是歲宋人侵燕以應金爲耶律達實作

以政之也

原

大等所敗遁還尋復來攻復敗之追擊至涿水而歸

攷異薛應旂通鑑云宣和四年三月燕王自立命童  
貫勒兵十五萬巡北邊蔡攸副之付以三策鄭居中  
宇文虛中諫不聽五月攸陞辭指二美嬪請成歸  
以賞功帝笑而弗責分兵兩道命种師道總東路趨  
白溝辛興宗總西路趨范村師道至蘭溝甸爲耶律  
大石蕭幹等所敗興宗亦敗於范村范村在涿州西

北師道退保雄州坐免官七月王黼聞消卒命貫攸  
治兵劉延慶副之郭藥師爲鄉導至良鄉爲幹敗藥  
師襲燕京復大敗高世宣死之延慶燒營遁追至涿  
水而去軍資喪盡燕人作賦及歌詩諷之藥師猶進  
承宣使契丹國志云凡駐白溝十二日乃還退保  
州未言兵敗事北盟會編云時真定安撫使趙適疏  
乞相存契丹不報東都事畧云遼以敗盟責我追我  
軍至古城南而還貫歸罪於知雄州和誅奏黜之遣  
劉鞬卽驛與王介儒議再修好命諸將分屯貫自瓦  
橋關還曾敏行獨醒雜志云貫言面奉聖訓不得擅  
殺北人作黃旗大書聖語立軍中以誓衆種師道信  
之敵薄我軍不戰而退自相蹂踐兵甲填滿山谷知  
真定府沈積中奏聞罷師道兵柄致仕時蔡京以詩  
寄其子攸曰老嬾身心不自由封書寄汝淚橫流百  
年信誓當深念三伏征途盡少休目送旌旗如昨夢  
心存關塞起諸愁緇衣堂下清風滿早早歸來醉一  
甌觀此雖其父亦知其非矣周輝清波雜誌云攸副  
貫北伐有少保節度使其與宣撫副使二認旗從於後  
次日執旗兵逃去二旗亦失識者知其不祥旣行嶽  
宗謂其父京曰攸辭日奏功成後要問朕覓念四五

都知其英氣如此京但謝以小子無狀二人乃上寵  
嬪念四者閭婕妤好也吳會能改齋漫錄云元長所送  
行詩蓋欲為敗事張本不知首建平燕議招良嗣又  
欲以妖人王仔息服錦袍鐵幘為大將軍會伏誅乃  
止將明所為乃推行元長之意世可盡欺乎葉子奇  
草木子云天祚親征阿骨打刀槍皆放光童貫出師  
無故忽失二認旗其後兵皆敗衄蔡條鐵圍山叢談  
云貫出師之日白虹貫日軍行而牙旗折伯氏繼之  
抵雄州地大震天關地軸出見於廳事上龜大如錢  
蛇猶朱漆相逐而行三帥拜而置諸城北樓真武祠  
中已而不見識者皆知其不祥陸游老學菴筆記云  
童汪錡能執干戈以衛社稷本謂幼而能赴國難耳  
非姓童也翟公巽作童貫告詞曰爾祖汪錡誤也或  
曰故以戲之繫年要錄云吳會曰宣和四年金攻遼  
使王緯來乞師許之時金只檄代州不許受  
逃亡人未嘗遣使諸書亦無王緯乞和事

三年春正月丁巳笑王和勒博原作同僭號甲子張

穀據平州叛附金三月帝駐蹕於雲內州南夏四月

戊戌金兵圍輜重於青冢硬寨太保特默格

原作特母哥

竊梁王

攷異金史宗望傳作甯王

雅里遁秦王許王諸妃公主從

臣皆陷沒庚子梁宋大長公主托里

原作特里攷異汪輝祖遼史同

名錄云卷一太祖七年迷骨离部人卷十八興宗重熙六年都部署三人同名托里亡歸王寅

金遣人來招癸卯答書請和丙午金兵送族屬輜重

東行帝遣兵邀戰於白水濼趙王實訥埒

原作習泥烈蕭

道甯被執迺遣牌印郎君穆喇幹

原作謀盧瓦

送免紐金

印偽降遂西遁雲內駙馬都尉濶諾

原作乳奴

詣金降梁

王雅里還五月庚申雅里奔西北部稱帝辛酉帝渡

河止於金肅軍北

地理志云重熙十二年伐西夏置隸西南招討司屬西京故城在今

鄂爾多斯右翼  
廢勝州東北  
冬十月復渡河東還居圖魯卜部

四年春正月帝趨都統瑪格軍金人來攻棄營北遁

瑪格被執瑪克實來迎餽送馬駝糧餉防衛甚至封

神裕悅王至烏爾古原作鳥古德喀原作敵烈部以蕭伊實知

北院樞密使事秋七月天祚得林牙達實兵歸又得

陰山室韋瑪克實兵自謂得天助復謀出師收燕雲

達實力諫不聽率諸軍出夾山下漁陽嶺攷異畢沅續通鑑作

潼陽嶺取天德東勝甯邊雲內等州南下武州遇金

人戰於昂阿原作淹下水方輿紀要云在大同府西北二百里納大澗小澗大澗小

澗四河入於黃河攷異續通考謂為淹過下水海云

水潮無常所納又有銀海水諸細流又古雲內州東

南百五十里有金河西流入天瑞泊又紫河源出黑

峪口有黑河源出官山均至雲內州歷東勝州入黃

河復潰直趨山陰欲誘致之遣番僧齋御筆絹書通

意主許之遂易書為詔待以皇弟禮位燕越二王上

策第千問女樂三百主大喜童貫謀往迎俄而主慮

宋不足恃遂直趨山陰按山陰本遼河陰縣金

改山陰縣屬大同府此云山陰史臣追叙之文

八月金主阿門建卒宋史載在宣和五年五月即保

大三年五月冬十月納圖魯卜部人額爾克哥攻異

也均與史異妻恩克以額爾克為本部節度使十一月

畢沅續通格妻恩克以額爾克為本部節度使十一月

行營兵亂護衛太保珠展原作錫里舍利詳表額布

勒原作牙等擊敗之

五年春正月戊子帝幸天德過沙漠聞金兵至徒步

走乘張仁貴馬得脫至天德己丑遇雪無禦寒具珠

展進貂裘帽途次絕糧珠展進麪與棗坐倚珠展以

假寐餘俱齧冰雪以濟饑珠致異金史蕭仲恭傳本名

默官中書令尙主道宗季女也仲恭留弟仲宣侍母

已扈從而西進衣及乾糲伏冰雪中主藉以憩俄俱

被獲仕至右丞相越國王諡貞簡仲宣與母亦皆見

獲仕至武甯節度使又舒穆魯榮傳字昌祖七世祖

遼主封順國王主奔天德榮父特頁挺身赴之既見

遼主委以軍事軍敗被執將殺之尼楚赫曰彼忠於

所事殺之何以勸後遂釋之後從伐宋卒於軍夜宿

榮累官開遠軍節度山東路都統卒官臨洮尹

民家數日嘉其忠拜節度使遂趨黨項以小呼嚕原作

爲西南招討使攷異蔡偉北征紀實云天祚奔舒

子后妃諸子宗屬獨天祚逸去按二月攷異馬擴茅

此時天祚家屬早爲金獲非是



遼史紀事本末

卷三十三

九

藻背盟錄作保大四年則為宣和六年秋惟元符至  
詔旨與童貫賀表均作宣和七年二月與史合至

應州新城

方輿紀要云即新平城也在大同府西南百里

東六十里為金府

完顏羅索所獲

攷異金史太祖紀謂獲之於伊都谷

秋八月癸卯至金

丙午降封海濱王以疾終年五十有四改封豫王葬

於廣寧府閭陽縣乾陵傍

金史地理志云廣寧府舊名鎮寧軍本遼顯州奉先

軍漢望平縣地天輔七年升為府統縣三

廣寧望平閭陽即遼乾州有遼景宗乾陵自太祖至

此凡九主合二百一十九年

聞粘罕歸國遂趨漁陽

夏計未決金使婁宿馳騎至跪於前曰奴婢不佞乃

以甲青犯天威因奉觴進遂俘以還時從騎尙千餘

有轍迹遂為所及初女真入攻時災異屢見曾有人

在歌於市曰遼國且亡急追之則人首駭身連道且

亡二字遂入山中不見又保大元年春日旁有青黑  
色如水波周回而旋轉將暮而止蔡偉北征紀實云  
金於武朔境上分兵布三百里有一人馳駿馬走騎  
兵圍之卽曰我天祥也欲加執縛猶叱曰爾敢縛天  
子耶尼雅滿因使拜阿固達像而送至金國東都事  
畧謂爲兀室所擒送長白山東築城居之四年卒畢  
沅續通鑑云黑龍江有洛索碑具載擒天祥事是擒  
天祥者爲洛索非粘罕亦非兀室也大金國志云天  
祥自親征敗績後退保長春州又退守廣平甸又退  
保中京繼走燕山旣而西走雲中至於夾山以保四  
部族衙乃用余額爲導自中京由平地松林徑赴  
雲中以追之遂於山金司獲之所載各異亡遼遺錄  
載天祥降書云遼降臣廷薦謹伏斧鉞躬詣大金國  
俯伏待罪臣聞人不患其勇患其爲梟也伏念臣祖  
宗創二百年之基承大統位繼子傳孫郊祀上帝內  
外歡慶豈意微臣骨寒命薄無德可保不能當此夙  
夜惶駭罔知過咎冒犯忌諱若曉霜而遇烈日扁舟  
而遭怒濤衆怒競興諸辭盡起致茲慙德激揚聖怒  
轉加兵師憂懼之極如坐炭湯蓋聞軼道之放荷蒙  
記恤况若新安之款例受無辜念漢皇之仁恩誕敷

濡澤誚項羽之過惡笑免終傷臣所懇者乞諸軹道  
之留免效新安之禍戰栗之至仰千聽聽昧死謹言  
史未載朱弁曲消舊聞云宣和間金得天祚遣使來  
告上喜宴其使既罷召張虛白入語其事虛白曰天  
祚在海上築宮室以待陛下久矣左右皆驚上亦不  
怒徐曰張胡汝又醉也晃公武郡齋讀書志云北遼  
遺事二卷遼人撰記女真滅遼事序曰遼自阿保機  
創業於其初德光恢廓於其後吞并諸蕃割據漢界  
南北開疆五千里東西四千里戎器之備戰馬之多  
前古未有子孫繼統二百三十餘年迨至天祚失御  
女真稱兵十三年間舉國土崩古人謂得之難失之  
易非虛言也元好問金漆水郡侯耶律公墓誌銘云  
嗚乎世無史氏久矣遼人主盟將二百年如南衙不  
主兵北司不理民縣長官專用文吏其間可記之事  
多矣泰和中詔修遼史書成尋有南遷之變簡冊散  
失世不復見今人語遼事至不知起滅凡幾至下者  
不論也李燾通鑑長編所附見及史愿亡遼錄北顧  
備問等書多敵國誹謗之辭可盡信耶按此文本遺  
山集今從張天爵元文類錄出見楊復吉遼史拾遺  
補正問考云遼始梁人祖開平元年阿保機稱帝至

丙子始改元終延嘉乙巳共九主二百一十九年金  
滅之乙巳宋宣和七年金天會三年楊維禎宋遼金  
正統辨云凡七主共二  
百一十五年紀載各異

遼史紀事本末卷三十三